



吳郡志卷八

古蹟

吳城事具城郭門

石室在常熟縣海隅山石室凡十所相傳太公避紂居之孟子太公避紂居東海之濱常熟去海近或是

言偃宅蘇州記云在常熟縣西史記云言偃吳人也吳地志云宅有井井邊有洗衣石周四尺皆其故物輿地志云梁蕭正德爲郡太守將石去莫知所在

丁令威宅在陽山文殊法海寺有煉丹井存焉號令威井射臺華池南城宮姑蘇臺鮎山鷗陂游臺石城長洲林園石龍以上悉吳闔廬故跡吳越春秋云闔廬旣立夫差爲太

子使將兵屯守而自治宮室立射臺於安平里華池在平昌南城宮在長樂里闔閭出入游臥秋冬治於城中春夏治於城外姑蘇之臺旦食鮪山晝遊蘇臺射於鷗陂馳於游臺興樂石城走犬長洲焉越絕書云石城者闔廬所置美人離城也吳地記云石城吳王離宮越王獻西施於此城又云林園在華林里石龍在龍壇里里在烏鵲橋東皆闔閭作

流盃在女墳湖西百五十步闔閭三月三日泛舟遊之今基

隍猶存

吳地記

秦餘杭山卽今陽山越破吳夫差遁去晝馳夜走三日三夕達於秦餘杭山餒甚顧得生稻而食之伏地而飲水焉

吳越

春秋

夷亭闔閭十年東夷侵逼吳境下營於此因名之

吳地記

酒城在壇城邊夫差祭子胥處臨祭勸酒因名焉城中有石子

走狗塘吳王作

干隧越王以散卒三千擒夫差於干隧在吳縣西北史記正

義干隧出葉安山西南一里

戰國策史記正義

姑蘇臺在姑蘇山舊圖經云在吳縣西三十里續圖經云三十五里一名姑蘇一名姑餘史記正義云在吳縣西南三十里橫山西北麓姑蘇山上山水記云闔閭作春秋遊焉又云夫差作臺三年不成積材五年乃成造九曲路高見

三百里勾踐欲伐吳於是作柵楣嬰以白璧縷以黃金狀如龍蛇獻吳王吳王大悅受以起此臺越絕書云闔閭造九曲路以遊姑胥之臺柵楣之義未詳此楣所謂神木一雙大二十圍長五十尋者吳王將起臺子胥諫曰王既變禹之功而高高下下以罷民於姑蘇吳民離矣弗聽洞冥記云吳王夫差築姑蘇之臺三年乃成周旋詰屈橫亘五里崇飾土木殫耗人力宮妓千人臺上別立春宵宮為長夜之飲造千石酒鍾又作天池池中造青龍舟舟中盛致妓樂日與西施為嬉又於宮中作海靈館館娃閣銅溝玉檻宮之楹榭皆珠玉飾之吳地記云闔閭十一年起臺於姑蘇山因山為名西南去國三十五里夫差復高而飾之

越伐吳焚之又云闔閭十年築纒五年始成高三百丈望見三百里造曲路以登臨吳王春夏遊姑蘇臺秋冬遊館娃宮興樂華池南城之宮又獵於長洲之苑太史公云余登姑蘇望五湖案五湖去此臺尚二十餘里越絕書云夫差伐齊越范蠡洩庸帥師屯海道江以絕吳路敗太子友遂入吳國燒姑胥臺徙其大舟續圖經考之傳記謂闔廬食不二味居不重席器不雕鏤宮室不觀舟車不飾而吳越春秋言闔廬晝遊蘇臺蓋此臺始基於闔廬而成於夫差庶可以合傳記之說云唐任公叔登姑蘇臺賦司馬遷遺跡紀吳國之舊軌乃憮然而嘻曰登此姑蘇之墟淹留今躊躇感斯宇之基為沼而伸雍之祀忽諸我聞周道既衰諸侯狎主中無霸王蠻戎振旅始闔閭以信威繼夫差以極武斜與勁越同壤右以強楚為鄰內有高臺之築外

有遠畧之勤積如莽而暴骨亦如雛而視人是以前疆場日  
 駭版築未弭方五載而厥成造中天而特起因累土以臺  
 高宛岳立而山峙或比象於巫廬之峰或倒影於滄浪之  
 水悉人之力以為美觀厚人之澤以為侈靡斯實累卵於  
 九層夫何見乎三百里野語有之曰川壅則潰月盈而昃  
 善敗由己吉凶何常矧謀主之賜劍若涉川兮無梁以為  
 棲越以己求霸卒見象吳而受殃客自南鄙觀於江濱徘徊  
 舊德惆悵前聞試遊日於寥廓曾自歸然而參雲聽逆虐  
 而翳諫竟麋鹿而為羣高天放曠平湖決潏奕奕孤嶼茫  
 茫極浦悲早鴈於海風嘯寒鴟於江雨況復關梁坐隔羈  
 旅增愁山木將落汀葭亂秋思美人兮子胥何為懷直道  
 而驟諫遭重昏之見危將漁父以抗跡且垂釣於江濱高  
 臺既傾夕露沾衣感蒞國之不及冀萊人之與歸者也霍  
 鷄姑蘇臺賦崔子勤學少間與客遊於橫山之與歸者也  
 然出於羣山荒基峻級高切雲間荆棘為之蒙翳麋鹿為  
 之徊環余語諸客此何所也客曰子不聞吳都之壯麗乎  
 造姑蘇之高臺臨四遠而特建此其遺址也余乃倚杖而  
 立喟然嘆曰蓋聞吳王之築斯臺也受鄰越之貢竭全  
 吳之力千夫吟山萬人道泣三年而聚材五年而有立佩  
 茂苑於長洲帶瀆池以朝夕自以為天下之奇觀也而今  
 安在哉神材異木飾巧窮奇黃金之楹白璧之楹龍蛇之  
 畫燦燦生輝而今安在哉於是與客偃僂而上抵其上之

絕嶺快四面之遐瞻南望洞庭夫椒之山湖水澄澈其  
 消夏灣者吳王避暑之所也北望靈巖館娃之宮廊日響  
 屨徑曰採香者吳王之別館西子之遺蹤也其東吳城射臺  
 巍巍其西胥山九曲之達至于興樂有城玩華有池走犬  
 有塘蓄雞有陂猶不足以充其欲也又侈斯臺以為娛嬉  
 鳴呼雕楹鏤者墟之幾也九層百仞者汗池之漸也  
 瑤臺作而夏衰瓊室考而商危章華成而楚眾叛阿房出  
 而秦人離斯喪亂之必然曷吳王之不思也哉方其酌綠  
 鄰賦珍羞置酒若淮泗積肴如山邱其宴樂固極矣而不  
 知會稽之上飲食嘗膳方焦思而深謀旁籠西山俯視太  
 湖憑高望遠三百餘里其登覽固廣矣而不知笠澤之畔  
 銜枚仆鼓忽潛軍而夜濟是以橫塘之浦僅通而越來之  
 溪已逼高下之築未乾而勾踐之城已乎古往今來邈矣  
 豈滅燬滿目舊事今飛灰幸江山之不改兮後之人當有  
 蒼煙兮滿目舊事今飛灰幸江山之不改兮後之人當有  
 鑑於遺臺陳羽憶昔吳王爭霸日歌謠滿路上蘇臺三千  
 宮女看花處人靜臺空花自開季白蘇臺覽古舊苑荒臺  
 楊柳新菱歌高唱不勝春只今唯有西江月會照吳王宮  
 裏人曹艷吳宮酒未消又宴姑蘇臺美人血淚去半夜闌  
 門開相對正歌舞笑中聞鼓聲星散九重門血流十二街  
 一去成萬古遺跡盡人回時聞野田中拾得黃金釵季紳  
 雜句序臺今遺跡連接靈巖寺採香徑響屨廊皆在寺內

越王獻吳王黃金鑊越王所造姑蘇臺因獻鑊遂以黃金盡飾以破其國詩云越王巧破夫差國來獻黃金重  
 刻西施醉舞花艷傾如月嬌娥恣妖惑蘇百尺曉鋪開  
 樓楣盡化黃金臺歌清管咽西越寂寞千年皆古墟蕭條  
 胥抉日看吳滅范蠡全身禪扉秋草荒涼徧落暉江浦迴  
 兩地皆明月靈巖香徑掩禪扉秋草荒涼徧落暉江浦迴  
 看鷗鳥沒碧峰斜見鷺飛如今白髮星星滿却作閑官  
 不閑散野寺經過懼海尤公程迫蹙悲秋館星滿却作閑官  
 淹留草樹煙霞昔徧遊雲外夢魂多感歎不惟惆悵到長  
 洲羅隱讓高太伯開基日賢見延陵復命時未會子孫因  
 底事解崇臺榭為西施劉駕勾踐飲膽日吳酒香滿杯  
 歌入海雲聲自姑蘇來西施舞初罷侍兒整金釵衆女不  
 敢如自比泉下泥越鼓聲騰騰吳天隔塵埃難將甬東地  
 更學會稽栖霸跡一朝盡草中棠梨開劉禹錫故國荒臺  
 在前臨震澤波綺羅隨世盡麋鹿占時多築用金鎚力摧  
 因石鼠窠昔年彫輦路惟存採樵歌楊備山花野草一荒  
 邱雲裏驕奢舊跡留珠翠管絃人不見上頭麋鹿至今遊

### 春宵宮

### 天池

### 海雲館

### 館娃閣

### 銅溝玉檻並見上

館娃宮吳越春秋吳地記皆云閶闔城西有山號硯石山

在吳縣西三十里上有館娃宮又方言曰吳有館娃宮今

靈巖寺即其地也山有琴臺西施洞硯池翫花池山前有

採香徑皆宮之故跡唐殷堯藩吳宮詩吳王愛歌舞夜夜

今勾踐霸不信子胥賢莫問長洲草荒涼無限年李嘉祐

傷吳中館娃宮中春已歸闔閭城頭鶯已飛復見花開人

又老橫塘寂寂柳依依昔吳王在宮闕館娃賣眼看花

發舞袖朝歡陌上春歌聲夜怨江邊月古來人事亦猶今

莫厭清觴與綠琴獨向西山聊一笑白雲芳草自知心李

變霜楓葉卷平田雀愁化水喧斜日鴻怨驚風叫暮天因

蘭麝土宮牆依舊壓層崖弩臺雨壞逢金鏃香逕泥銷露  
玉釵硯沼祗留溪鳥浴屨廊空信野花埋姑蘇麋鹿真開  
事須為當時一槍懷皮日休綺閣飄香下太湖亂兵侵曉  
上姑蘇越王大有所堪羞處祗把西施賺得吳陸龜蒙三千  
雖衣水犀珠半夜夫差國暗屠猶  
有美人皆二八獨教西子占亡吳

西施洞在靈巖山之腰山即館娃宮所在故西施洞在焉

勾踐進西施賦以紅纈艷返惑人之心今惟巧惟僭破  
人之國今以妖以艷當勾踐之密謀進西施而果驗者  
二國相吞陵卑時尊殊不知卑則自亡而固存尊則謂明  
而反昏烏喙年年誓啄夫差之肉稽山日日惟聽范蠡之  
言言曰伍員之賢東吳之德伯嚭之佞東吳之賊德之盛  
今越可憂賊之興今吳可殲臣以夙夜而計機謀偶得欲  
狂敵國之君須中傾城之色待其聲色內伐君臣外惑自  
然紂妲己以亡宗晉驪姬而亂國今苧蘿之內越水之灣  
恐是神仙之化忽生桃李之顏波淺丹臉鴉深綠鬢翠  
黛兮慘難效浣輕紗兮妖且閑楊柳羞弱芙蓉死般可以  
變柳惠於嚴莊之際悅荆王於魂夢之間臣請進焉王今  
何以王乃豁若而喜矍然而起曰此蓋神假卿之碩畫人  
雪越之前恥乃命寶馬騰龍香車輾風迎織女於銀漢娉  
姮娥於月宮炫耀雲外喧闐洞中妝成而瑞玉凝彩服麗

而朝霞翦紅昨日猶賤今晨不同寧期大國之君流恩下  
及甚浪鄰家之婦謂妾常窮曉別越溪暮歸吳苑越慮計  
失吳嫌進晚歌一聲兮君魄醉笑百媚兮君心蹇坐令佞  
口因珠翠以興言立遣謀臣并洪濤而不返勾踐乃走電  
驅雷星馳箭催投醪而士卒皆醉嘗膽而胷襟洞開虎噬  
骨碎山崩卯摧楚腰衛鬢化為鬼鳳閣龍樓燒作灰於是  
命屠蘇之酒上姑蘇之臺伊霸業以何在俄英風  
而聿來於戲殺忠賢而受佳麗欲不收而難哉

吳王郊臺在橫山東麓下臨石湖壇壝之形儼然相傳吳僭

王時或會祀帝也

吳王井在靈巖山腰大石泓也相傳為吳王避暑處詳見靈

巖山條楊備詩石叢遺蹤傍古臺一泓寒影鑑光

響屨廊在靈巖山寺相傳吳王令西施輩步屨廊虛而響故

名今寺中以圓照塔前小斜廊為之白樂天亦名鳴屨廊  
王禹偁廊壞空留響屨名為因西子遶廊行可憐伍相終  
屍諫誰記當時曳履聲楊備步步香翻羅鞞塵粉紅花艷

滿宮春傾城一笑無遺跡不見長廊響屐人

梧桐園在吳宮本吳王夫差園也一名琴川語云梧宮秋吳

王愁

採香逕在香山之旁小溪也吳王種香於香山使美人泛舟

於溪以採香今自靈巖山望之一水直如矢故俗又名箭

涇楊備館娃南面即香山畫削爭浮日往還翠蓋風翻紅袖影芙蓉一路照波間

香水溪在吳故宮中俗云西施浴處人呼為脂粉塘吳王宮

人濯粧於此溪上源至今馨香古詩云安得香水泉濯郎

衣上塵

長洲在姑蘇南太湖北岸闔閭所遊獵處也吳主遣徐詳至

魏魏太祖謂詳曰孤比老願越橫江之津與孫將軍遊姑

蘇之上獵長洲之苑吾志足矣詳對曰大王欲奉至順以

合諸侯若越橫江而遊姑蘇是踵亡秦而躡夫差恐天下

之事去矣太祖笑曰徐生得無逆詐耶吳地記

長洲苑舊經云在縣西南七十里孟康曰以江水洲為苑韋

昭云長洲在吳東枚乘說吳王漚云漢修治上林雜以離

宮佳麗玩好圈守禽獸不如長洲之苑則知劉漚時嗣葺

吳苑其盛尚如此孫述長洲苑吳苑校獵吳王初鼎峙羽

從列陣轉江自遠村回劍騎緣汀入旌門隔嶼開合離紛

若電馳逐隘成雷勝地虞人守歸舟漢女陪可憐夷漫處

越城在胥門外越伐吳吳王在姑蘇越築此城以逼之城堞

髣髴具在高者猶丈餘闊亦三丈而幅員不甚廣史記正



義吳東門解引吳俗傳云子胥亡後越從松江北開渠至橫山東北築城伐吳據此文即今越城正是舊跡詳見石

湖門

越來溪在越城東南與石湖通溪流貫行春及越溪二橋以入橫塘清澈可鑒越兵自此溪來入吳故以名史記正義越自松江北開渠至橫山東北入吳即此溪來讀曰釐吳

音也

魚城在越來溪西吳王遊姑蘇築此城以養魚吳地記

苦酒城在魚城之西南有故城長老云築以釀酒今俗人呼

為苦酒城吳地記

鴨城在匠門外吳王築以養鴨吳地記

雞陂在婁門外吳王養雞城也又名雞陂墟

南武城在海渚闔閭所築以禦見伐之師吳地記

吳小城白門闔閭所作秦始皇帝時守宮吏燭燕窟失火燒

宮而門樓尚存虞氏家記

美女宮夫差所作土城周五百九十步勾踐所進美女西施

鄭旦之宮室也越絕書

吳宮鄉在吳江縣甫里之地在今長洲東南五十里相傳吳

王別宮然舉無舊跡矣陸龜蒙嘗作問吳宮辭

蠡口在齊門之北又有蠡塘在婁門之東相傳鴟夷子乘扁

舟下五湖潛過此以出招大夫種因以名之楊備霸越勳名間世才五

湖煙浪一帆開猶防鳥喙傷同輩此地復招文種回

角音祿頭卽漢角里在洞庭山村漢角里先生所居史記正義  
太湖中洞庭山西南中號祿里村卽此角里今有巡檢司

號用頭巡檢俗或作角字史記正義

黃堂事具官舍門

吳郡志卷八

吳郡志卷九

古蹟

死亭灣在閶門外七里漢朱買臣妻恥而自縊處也

毛公壇卽毛公壇福地在洞庭山中漢劉根得道處也根旣

仙身生緣毛人或見之故名毛公今有石壇在觀旁猶漢

物也鶴翎歸碧落五湖空鎮萬重山戊日休却上南山

路松竹儼如廡松根礙幽逕屏顏不能斧擺履跨亂雲側

巾蹲怪樹三休且半日始到毛公塢兩水合一澗深崖却

為浦相敵百千戟共搗十萬鼓噴散日月精射破神仙府

唯愁絕地脈又恐折天柱一窺耳目眩再聽毛髮豎次到

鍊丹井井幹翳宿莽下有藥剛丹勺之百疾愈凝於白

聽湛似銅馬乳黃露醒齒牙碧粘甘肺膈異松復怪枯

踈互撐拄乾蛟一丈髀然半天舞下有毛公壇壇方不

盈畝當時雲龍篆一片苔蘚古補綱旣母蠶壇時時仙禽

來忽忽祥煙聚我愛周息元忽起應明主網鱗元君三諫却

歸來迴頭唾珪組伊余何不幸斯人不復覩如何大開口

與世爭枯腐將山待夸娥以肉投猥猥欲坐侵桂陰不知  
已與午茲地足靈境他年終結宇敢道萬石君輕於一絲  
一縷陸龜蒙古有韓終道授之劉先生身如碧鳳皇羽  
翼披輕輕先生盛驅役臣伏甲與丁勢可倒五岳不唯鞭  
羣靈飄飄駕翔白日朝太清空遺古壇在稠疊煙蘿屏  
遠懷步罡夕列宿森然明四角鎮露獸三層差羽嬰迴眸  
呵七炁運足馳踈星象外真既感區中道俄成爾來向千  
祀雲嶠空崢嶸石上橘花落石根瑤草青時時白鹿下此  
外無人行我訪岑寂境自言齋戒精如今君安死君魂  
魄猶羶腥有笈皆綠字有芝皆紫莖相將望瀛島浩蕩凌

真滄

石射期在石城山有石鼓鼓鳴卽有兵山有石馬望如人騎

東城崑山古圖經云縣故有城在縣東三百步今縣東猶謂

之東城頭近歲耕者於東寺之後多得古城磚及銅箭鏃

神運殿基卽崑山慧聚寺殿事具慧聚寺門

龍柱崑山慧聚寺殿柱也梁張僧繇畫龍其上其後數出在

江湖中僧繇又畫鑱鑱之唐會昌中廢佛寺柱留八郡中

寺復郡以柱還寺橫閣於殿東間楣上余猶及見之淳熙

中寺火柱亦隨燼

烏夜村晉穆帝后何淮女寓居縣南產后於此將產之夕有

羣烏夜驚於聚落爾後烏更鳴衆共異之及明大赦

北禪院晉戴顓舊宅後爲唐司勳陸郎中宅皮陸北禪聯句

云歆蒸何處避來入戴顓宅龜蒙又有遊北禪詩云居士

祇今開梵處先生曾是草元堂

支遁菴在南峰古號支硎山晉高僧支遁嘗居此剡山爲龕

甚寬敞相傳有村婦生子於中菴頂遂中裂道林又嘗放

鶴於此今有亭基道林喜養駿馬今有白馬碣云飲馬處

也菴旁石上有馬足四云是道林飛步馬跡也

放鶴亭 見上

白馬礪 見上

馬跡石 見上

般若臺在吳縣西二里晉穆侯何準捨宅置東北角有般若

橋時人呼作朱明寺橋是也 吳地記

金昌亭在昌門宋少帝景平二年廢為營陽王幽于吳郡徐

羨之等使邢安泰弑帝于金昌亭帝有勇力不即受制突

走出昌門追以門關踏之此云走出昌門則亭尚在城中

陸龜蒙又謂梁鴻墓在金昌亭下一里又似在城外恐在

今城有少遷徙耳

梁雙殿在虎邱寺大殿前二小殿相對最為古跡淳熙中有

僧庸凡而好修造始盡毀之好事者至今以為恨錢氏廣

陵王在姑蘇不喜追遊不事園苑惟每遊虎邱山寺前路

引望則喜動顏色比至山必規畫修繕今寺多其經意處

也

越公井今在治平寺前山岡上徑一丈八尺石欄如屏繞之

上有刻字多不可辨又有唐廣明元年僧茂軋述大唐楞

伽殿後重修吳朝大井記略云惟茲巨井吳誌坐當橫山

艮位越來溪西百步隋開皇十年越國公楊素築城創斯

井焉時屯師孔多日飲萬人邇來三百餘年邑則可改其

道不革按此即是楊素井蓋素既平陳嘗遷吳郡於山下

至今謂之新郭茂軋修井記題首乃云吳朝大井蓋傳襲之誤僧輩不能辨也楞伽寺今名寶積寺與治平為鄰又知古只一寺井正在楞伽殿後也并記又云寺創於乾元元年

白公檜唐白樂天手植在州宅後池光亭前水中政和初已槁瘁高不滿二丈後為朱冲取獻京師死道中乃以他檜易之禁中初不知也今池中復植一株石林避暑錄

虎邱寺古杉在殿前相傳為晉王珉所植唐末猶在形狀甚怪不可圖畫皮日休稱其死奇節不知雨露之可生即是時已枯日休詩曰種日應逢晉枯來必自隋陸龜蒙亦曰後凋依佛氏初植必僧彌寺蓋王氏別墅僧彌珉小字也

臨頓舊為吳中勝地陸龜蒙居之不出郭郭曠若郊墅今城

東北有臨頓橋皮陸皆有詩皮日休一方蕭灑地之子獨

書高風翔砌鳥暴雨失池魚暗識歸山計村邊買鹿車○

籬疎從綠椽簷亂任黃茅壓酒移溪石煎茶拾野巢○

懸雨笠閒壁挂煙匏支遁今無骨誰為世外交○繭稀初

上簇醅盡未乾牀盡日留蠶母移時祭麴王趁泉澆竹急

候雨種蓮忙更葺園中景應為顧辟疆○靜僻無人到幽

深每自將鶴來添口數琴到益家資壞壑生魚沫頽簷落

燕兒空將綠蕉葉來往寄閒詩○夏過無擔石日高開板

屏僧雖與筒篔人來不典蕉衣鶴靜共眠覺驚駟同釣歸生

公石上月向夕約譚微○經歲岸鳥紗讀書三十車水痕

侵病竹蛛網上衰花詩任傳漁客衣從遞酒家知君秋晚

事白幘刈胡麻○寂歷秋懷動蕭條夏思殘久貧空酒庫

多病束漁竿元想疑鶴扇清齋拂鹿冠夢魂無俗事夜夜

到金壇○閉門無一事安穩臥涼天砌下翹飢鶴庭陰落

病蟬倚杉閒把易燒米靜論縱○以賴有包山客時寄紫

泉○病起扶靈壽翛然強到門與杉除敗葉為石整危根

薜蔓狂遮壁蓮莖臥枕益明朝有忙事召客斲桐孫○緩

頰稱無利低眉號不能世情都太薄俗意就中憎雲態不

知驟鶴情非會徵畫臣誰奉詔來此寫姜肱陸龜蒙近來

唯樂靜移傍故城居閒打修琴料時封謝藥書夜停江上  
 鳥晴曬篋中魚出亦置何事無勞置棧車○倩人醫病樹  
 看僕補衡茅散髮還同阮無心敢慕巢簡便書露竹樽待  
 破霜飽日好林間坐煙蘿僅欲交○倭僧留海紙山匠製  
 雲牀懶外應無敵貧中直是王池平鷗思喜花盡蝶情忙  
 欲問新秋計菱絲一畝強○故山空自擲當路竟誰知祇  
 有經時策全無養拙資病深憐灸客炊晚信樵兒謾欲陳  
 風俗周官未採詩○福地能容壘元關詎有扉靜思瓊板  
 字閒洗鐵筇衣鳥破涼煙下人衝暮雨歸故園秋草夢猶  
 記綠微微○水影沈魚器鄰聲動緯車燕輕梢墜葉蜂懶  
 臥○樵花說史評諸例論兵到百家明時如不用歸去種桑  
 麻○禹穴奇編缺雷平異境殘靜吟封錄檢歸興削帆竿  
 白石堪為飯青蘿好作冠幾時當斗柄同上步罡壇○強  
 起披衣坐徐行處暑天上街來鬪雀移樹去驚蟬莫問鹽  
 車駿誰看宦甌微以黃金如可化相近買雲泉○野入青  
 蕪巷陂侵白竹門風高開栗刺沙淺露芹根迸鼠緣藤桁  
 飢鳥立石盆東吳雖不改誰是武王孫○踈慵真有素時  
 勢盡無能風月雖為敵林泉幸未憎酒材經夏闕詩債待  
 秋徵祇有君同癖閒來對曲祛

重元寺藥圃唐末僧元達年逾八十好種名藥凡所植者多

致自天台四明包山句曲叢萃紛糅各可指名皮日休嘗

訪之而題詩皮日休兩篠煙鋤偃僂賈紺牙紅甲兩三畦

敲蒸木火清泉閒洗種花泥怪來昨日休持鉢一尺彫胡  
似掌齊○香蔓蒙籠覆若邪檜煙杉露濕袈裟石盆換水  
撈松葉竹徑遷牀避笋芽藜杖移時挑細藥銅餅  
盡日灌幽花支公謾道憐神駿不及今朝種一麻

忠國師庵基在穹窿山絕頂疊石宛然唐顧在鎔留題在光

福山寺墨跡尚存詩云蒼島孤生白浪中倚天高塔勢翻

溪渚式棲彭澤鴈樓臺深貯洞庭風  
六時金磬落何處徧傍葦叢驚釣翁

虞山今為海巫山山即巫咸山所出

李後主題額在崑山惠聚寺大殿前二樓曰經臺鍾臺淳熙

中寺焚無遺跡矣

柳毅并在洞庭東山道側按小說載毅傳書事或以謂是岳

之洞庭湖以其說有橋社故議者又以為即此洞庭山爾  
蔡經宅在朱明寺西事具神仙吳地記

吳國古館三日昇月曰烏鵲曰江風昇月在帶城橋東烏鵲  
在烏鵲橋今為營寨江風在渴烏巷又新館二曰通波曰

全吳吳地記又續圖經載舊傳古館八曰全吳通波龍門臨

頓烏鵲昇羽江風夷亭云昇月疑即昇羽今此亭尚存

洗馬池在府學之南楊備一牽來種是龍臨深欲下更嘶風金鞍玉勒地何處騰踏渥洼寒影中

吳郡志卷九

吳郡志卷十

封爵

吳孫策漢建安二年自騎都尉襲爵烏程侯既破陳瑀曹操

表策為討逆將軍改封吳侯吳書

晉吳敬王晏太康十年受封食丹陽吳興并吳三郡

成帝咸和元年十月封皇弟岳為吳王

慕容垂眊第五子雋僭位封垂吳王

後周尉遲綱武成元年進封吳國公歷位少傅大司空

陳後主第十子藩封吳郡王

唐武德三年以和州總管東南道行臺尚書令楚王杜伏威

為使持節江淮以南諸軍事揚州刺史東南道行臺尚書

令淮南安撫使封吳王賜姓李氏

唐太宗正觀十年子恪封吳王

唐天祐元年詔錢鏐落起復進封吳王吳越備史

本朝大中祥符九年拜參知政事丁謂平江軍節度使知昇

州謂郡人建節本鎮一時為榮真宗皇帝賜以御製詩九

為盛事詳具謂跋中御製賜平江軍節度使丁謂詩序卿

屬於報功言當入謝之辰特賜褒賢之作今成七言四韻

詩一首賜新授蘇州節度使丁謂依韻和進詩云懿辭碩

畫播朝中造膝詢謀禮遇豐文石延登彰順美高牙前導

表疇庸書生仗鉞今尤貴舊里分符古罕逢書錦買臣安

敢比黃樞早日接從容謂次韻和進云白麻初降紫宸中

簪組相驚帝澤豐驟陟將壇知運偶久塵台席愧材庸桑

榆便覺人間別旌戟猶疑夢裏逢已是都城聳榮觀更頌

天唱耀戎容又賜御詩序卿名藩出莅雖極於倚毗文陛

言辭良多於眷注特示寵行之什用增方面之榮今成五

言十韻詩一首賜蘇州節度使丁謂依韻和進詩云踐歷

功皆著諮詢務必成懿才符曩彥佳器貫時英俾展經綸

業旋陞輔弼榮嘉亨忻盛遇盡瘁罄純誠均逸明恩洽疇

勞茂典行白麻三殿曉紅旆九衢平雖輟凝嚴任尤增倚

注情擁旌辭帝闕頓轡望都城風景高秋月煙波幾舍程

想卿懷感意常是夢神京謂次韻和進云叨竊逢嘉會孤

單荷曲成高車陪上宰密座廁羣英步武清華地優游侍

從榮勤劬期薄効忠謹誓明誠方畏官箴失俄驚寵命行



功臣金紫光祿大夫檢校太尉使持節蘇州諸軍事蘇州刺史充平江軍節度蘇州管内觀察處置隄堰橋道等使知昇州軍州事兼御史大夫上柱國濟陽郡開國公食邑三千五百戶食實封一千二百戶臣丁謂

牧守

吳郡地重舊矣守郡者非名人不敢當晉吳郡太守與會稽吳興三郡為真二千石嘗欲以黃門侍郎郗愔為吳郡守愔自以資望少不宜超莅大郡乃改臨海蘇峻平將以孔坦為吳郡自陳吳多賢豪而坦年少未宜領之亦改吳興蕭子範為蔡令撰辭吳郡表略云全吳奧區地迫都輦譬彼西京則扶風馮翊方之洛下則潁川河內自非時雨之政解繩之才寧可奉共理之言承河潤之旨白樂天少時嘗言異日首獲蘇杭一郡足矣後三十七年始佩蘇印又謂豈始望及此吳郡太守為古今貴重於此可以槩見漢未分吳會時但稱會稽太守後漢時有吳郡太守晉時有吳國則曰吳國內史或

步君志卷一  
三  
曰郡守唐號蘇州刺史或稱吳郡太守或兼江東採訪使或稱吳郡採訪使今採撫諸史及他記載中顯有名稱者立牧守條本朝稱知蘇州今稱知平江府事具題名記

前漢朱買臣吳郡人武帝時爲會稽太守治吳先是東越數反覆買臣因言故東越王居泉山一人守險千人不得上今聞南徙五百里大澤中今發兵浮海直指泉山列兵席卷可破滅也乃拜買臣會稽太守帝謂買臣曰富貴不歸故鄉如衣繡夜行今子如何詔買臣到郡治樓船備糧食水戰具須詔書軍到與俱進初買臣昔嘗從會稽守邸者寄居飯食及爲太守衣故衣懷其印綬步歸郡邸直會稽上計吏等羣飲買臣入室中守邸與

共食少見其綬守邸怪之前引其綬視其印會稽太守章也驚出語上計掾吏皆醉大呼曰妄誕耳其故人素輕買臣者入視之還走疾呼曰實然坐中驚駭白守丞推排陳列中庭拜謁買臣徐出戶有頃長安廩吏乘駟馬車來迎買臣遂乘傳去居歲餘受詔將兵與橫海將軍韓說等俱擊破東越有功徵入爲主爵都尉列於九卿

後漢尹興爲吳郡太守楚王英陰疏天下名士有興名

陳瑀以安東將軍行吳郡太守受詔與孫策同討袁術將

併圖策屯於海西爲策所破

江表傳

許貢爲吳郡太守時孫策方起貢上表漢帝謂策驍雄類

項籍宜以貴寵召還若寘於外必為世患策候吏得表  
以示策策遂殺貢貢小子與客亡匿江邊策單騎出貢  
客擊傷策策病創死

盛憲器量雄偉遷吳郡太守以病去官孫策定吳會忌憲  
高名孔融憂憲不免與曹公書徵為騎都尉制命未至

為權所害

會稽  
典錄

僮和後漢為吳郡太守

吳太史亨慈之子歷尚書吳郡太守

吳書一  
名高

謝勗吳郡太守與兄承並知名

滕允有節操自丹陽徙吳郡太守每聽訟察言觀色務盡  
情理人有窮冤對之流涕

晉譙敬王恬忠正有幹局在朝憚之補吳國內史

司馬允之恬之子為吳國內史拒庾楷斬其將段方為桓

元所害

沈充車騎將軍吳國內史

見沈演  
之傳

傅咸為吳郡內史吳郡顧榮與親故書曰傅長虞勁直忠

果雖非周才亦足貴也

王恬導之子少好武晚節更好士起為後將軍轉吳國內

史

王洽導諸子中最知名為吳國內史召拜領軍尋加中書

令固辭不受有清裁之稱

王珣洽之子為吳國內史在郡為士庶所悅

王劭導之子有風操為吳國內史子默亦繼父官

王蒼導之子為吳國內史年饑人多餓死蒼以倉米作饘

粥以啗餓者所濟活甚眾召為中領軍復為吳國內史

王謐劭之子少有美譽自侍中拜吳國內史未至郡留為

中書令

袁山松博學有文章為吳郡太守時孫恩作亂山松守滬

瀆城城陷被害

魏詠之好學不倦桓元篡位協贊義謀義熙初進征虜將

軍為吳國內史

顏含有操行以孝聞除吳郡太守王導問含曰卿今莅名

郡政將何先答曰王師歲動編戶虛耗南北權豪競招

游食國弊家豐執事之憂且當悉化勢門使反田桑數

年之間欲令戶給人足如其禮樂俟之明宰含所歷簡

而有恩明而能斷然以威御下導歎曰顏公在事吳人

斂手矣

鄧攸清和平簡方正寡欲為吳郡太守載米之郡俸祿無

所受唯飲吳水而已時郡中大饑攸奏賑貸未報乃輒

開倉救之郡政清明百姓歡悅為中興良守後稱疾去

職郡常有送銀錢數百萬不受一錢百姓數千人牽攸

船不得進攸乃小停夜中發去吳人歌之曰統如打五

鼓雞鳴天欲曙鄧侯挽不留謝令推不去百姓詣臺乞

留一歲不聽

郗鑒討賊帥劉徵加都督吳郡諸軍事

刁彝協之子斬讎人黨以祭父墓由是知名歷吳國內史

殷祐為吳郡內史上牋論顧榮功高贈典不稱榮由是贈

侍中驃騎將軍開府儀同三司

江灌少知名才識亞於迨自尚書中護軍為吳郡太守加

秩中二千石未拜卒

劉牢之當孫恩之亂吳郡內史桓謙棄郡走牢之都督吳

郡諸軍事恩破吳國殺內史袁山松牢之使參軍劉裕

討平之

張茂有志行為鄉里所敬信補吳國內史沈充之亂遇害

少嘗夢得大象以問占夢曰君當得大郡而不善也象

大獸獸守也故知當得大郡然象以齒焚果如其言

賀循字彥先操尚高厲童齒不羣言行進止必以禮讓不

汙陳敏之亂敏破除吳國內史不就元帝為安東將軍

復上循為吳國內史循作吳郡初不出門吳中強宗輕

之乃題府門會稽雞不能啼賀聞故出行至門反顧索

筆答之云不可啼殺吳兒於是至諸屯及邸閣檢校諸

顧陸使官兵及藏逋亡悉以事言上罹罪者眾陸托時

為江陵郡都督故下自請孫皓然後得釋出世說

顧祕吳國內史唱義傳檄以討李辰石冰之亂

應詹性質素宏雅以學藝文章稱由後軍將軍出補吳國

內史

庚冰亮之弟以雅素垂風自司徒右長史出補吳國內史  
蘇峻反遣兵攻冰冰不能禦奔會稽率眾進擊峻兵乘  
勝赴京都封新吳縣侯固辭不受

庚羲亮之子少有時譽初爲吳國內史時穆帝頗愛文義  
羲至郡獻詩頗存諷諫

庾希冰之子自侍中出爲輔國將軍吳國內史後死於桓  
溫之刑

蔡謨當蘇峻反時吳國內史庾冰出奔會稽乃以謨爲吳  
國內史謨既至與張闓顧眾顧颺等共起義兵迎冰還  
郡峻平復爲侍中

桓檀詳正有望補吳國內史

王愷爲侍中多所獻替出爲吳國內史

荀蕤崧之子有儀操風望除建威將軍吳國內史

荀羨蕤之弟資稟逸羣清和有準遷吳國內史

王允之舒之子蘇峻之亂督護吳郡義興晉陵三郡征討  
軍事破賊韓晃於長塘賊平以功封彭澤縣侯

王侃少歷顯職位至吳國內史

虞譚清正有檢操始爲吳興太守蘇峻反加譚督三吳晉  
陵宣城義興五郡軍事峻平轉鎮軍將軍吳國內史徙  
會稽未發還復吳郡時軍荒之後百姓饑饉死亡塗地  
譚乃出倉米賑救又修扈瀆壘以防海抄百姓賴之子  
嘯父隆安初爲吳國內史兄驥之子谷亦位至吳國內

史

樂謨廣之子南渡江爲征虜將軍吳國內史

張敞郡人桓元篡位敞爲尚書以答事忤元敞表獻忠款  
事平爲吳郡太守事見南史敞子邵傳而子裕傳乃云  
爲吳國內史敞子孫至宋齊之後益昌爲吳大家云

宋劉損字子騫元嘉中爲吳郡太守至閭門便入太伯廟  
室宇頽毀垣牆不修損愴然曰清塵尚可髣髴衡宇一  
何摧頽卽令修葺

王琨廉約忠實立朝強正爲吳郡太守遷中領軍坐在郡  
用朝舍錢餉二宮諸王及作絳襖奉獻軍用左遷光祿  
大夫

袁珣爲吳郡太守諡曰貞珣弟子梁舊名愍孫幼孤好學  
有清才隨珣在郡擁弊裘讀書足不踰戶有欲與珣子  
顛婚珣曰顛不堪政可與愍孫婚耳

張永廢帝時自侍中領安成王師出爲吳郡太守事具人  
物門

張岱永弟齊建元初爲吳郡太守高帝手敕加護軍以家  
爲府事具人物門

張緒元徽中自侍中爲吳郡太守事具人物門

張懷宋昇明中以誅劉遐授吳郡太守封義城侯齊明帝  
時復爲太守以拒王敬則懷事具人物門

顧琛吳人孝建初爲吳郡太守以起義功封永新縣五等

侯廢帝卽位爲吳郡太守

王曇生大明中爲吳郡太守又見顧琛傳

顧覲之吳人爲吳郡太守不低意於幸臣蔡興宗嫌其風節過峻事具人物門

羊元保歷吳郡太守文帝以元保廉素寡欲故頻授名郡爲政雖無殊績而去後常必見思

柳世隆字彥緒爲吳郡太守居母憂寒不衣絮

王僧達爲吳郡太守

王慈字伯寶少有內潤之稱歷吳郡太守

王誕字茂世爲宋武帝太尉長史帝甚仗之復爲吳國內史母憂去職

江夷字茂遠宋初歷吳郡太守營陽王於吳縣見害夷臨哭盡禮以兄疾去官歷任以和簡稱

王思遠爲吳郡丞行郡事時稱得人詳見官吏門

褚淵字彥回宋明帝時歷侍中爲吳郡太守帝寢疾殆馳使召之託以後事受顧命輔幼主

褚澄字彥道彥回弟尚宋廬江公主歷官清顯尤善醫術建元中爲吳郡太守百姓李道念以公事到郡澄謂曰汝有重疾答曰病冷五年澄爲證脉曰汝病非冷非熱當是食白瀰雞子過多所致令取蘇一升煮服之始一服乃吐出一物如升涎裹之動開看是雞雛羽翅爪距具足能行走澄曰此未盡更服所餘藥又吐得如向者



雞十三頭而病都差當時稱妙

張充自尚書僕射出爲吳郡太守下車恤貧老故舊莫不欣悅事具人物門

宗室安陸昭王炳字景業仕宋爲吳郡太守政有能名竟陵王子良與之書曰竊承下風數十年來姑蘇未有此政武帝嘉其能累遷官

宗室南康縣侯子恪字景冲有文學建武中爲吳郡太守大司馬王敬則反於會稽以奉子恪爲名子恪逃之梁大通二年復爲吳郡太守卒

江數字叔文有風格不降意權倖歷吳郡太守

何叔度尚之之父義熙中爲吳郡太守太保王宏每稱其清身潔已

謝舉字言揚與兄覽齊名江淹曰爲二龍大同三年爲吳郡太守先是何敬容居郡有美績世稱何吳郡及舉爲政聲跡略相比嘗要何徵君講中論何難以巾褐入南門乃從東門進致詩往復爲武邱山賦題于寺

王規字威明神峰標映時稱俊人爲吳郡太守簡文帝爲作謝章曰駕吉祥之車入句吳之地驅緹扇之馬撫奉德之鄉製錦何階琴絲方始主書芮珍宗家在吳前守宰皆傾意附之珍宗假還規遇之甚薄俄召爲左戶尚書郡境千餘人詣闕請畱表三奏不許求於郡立碑許之

吳郡志卷十一  
袁君正字世忠美風儀早得時譽爲吳郡太守侯景亂率  
所領赴援君正當官有名稱君正子憲字德章朝野嚴  
憚詳練朝章遷吳郡太守以父任固辭改授南康內史  
李元履幼有操業甚閑政體仕梁爲吳郡太守  
宗室南浦侯推字智進清敏好屬文歷吳郡太守所臨必  
早吳人號早母然侯景之亂握節死之  
宗室南海王大臨大寶元年除吳郡太守時張彪起義會  
稽或勸大臨投之大臨曰彪若成功不藉我力如其撓  
敗以我說焉不往二年遇害

吳郡志卷十

吳郡志卷十一

牧守

題名

牧守

江革字休映自都官尚書監吳郡荒歲盜掠公行郡唯有  
公給仗具二十人人民匈懼革至郡又省游軍尉百姓  
愈恐革廣施恩惠盜賊靜息

何敬容爲吳郡太守爲政勤恤民隱辨訟如神視事四年  
治爲天下第一吏民詣闕請樹碑詔許之

袁昂天監十一年以吳郡太守爲兼尚書

梁王僧智僧辯之弟爲吳郡太守陳霸先殺僧辯僧智據  
城拒守霸先遣將軍裴忌攻之僧智奔吳與裴忌旣

吳郡志卷十一  
逐王僧智陳霸先以爲吳郡太守

陳裴忌字無畏聰敏有識量初武帝誅王僧辯僧辯弟僧智舉兵拒吳郡帝命忌勒精兵自錢塘直趣吳郡夜至城下鼓譟薄之僧智疑大軍至輕舟奔杜龕帝嘉之表授吳郡太守

宗室晉安王伯恭字肅之爲吳郡太守時年十餘歲留心政事官曹緝理

沈君理字仲倫爲吳郡太守時兵革未寧百姓荒弊君理總集士卒修飾器械深以幹理見稱

宗室永陽王伯智天嘉中爲吳郡太守聞陸慶之名欲見不可往慶宗人陸榮宅穿壁觀之其好賢如此案南史儒林傳末附載陸慶事但稱永陽王無名檢永陽王伯智傳少敦厚有器局博涉經史疑卽其人第傳不載其爲吳郡蓋疏略矣

宗室衡陽王伯信守吳郡舉孝廉伯信本傳不著隋皇甫績字功明陳平爲蘇州刺史高智惠等作亂與績相持八旬績擊破之

劉權字世畧開皇中爲蘇州刺史時江南初平物情尚擾權撫以恩信甚得民和

唐馮袞牧蘇州郡政優游暇日輒縱飲博因會賓寮擲盧馮大勝以所得均遺一座乃吟曰八尺臺盤照面新千金一擲鬪精神合是賭時須賭取不妨回首乞閑

人唐郡守縱放如此出情詩

韋應物貞元初為蘇州刺史工詩世號韋蘇州唐史不為

立傳識者恨焉詳見辨證門并白居易吳郡詩石記

論韋事為確

于頔字允文德宗時為蘇州刺史罷淫祠濬溝澮端路衢

為政有績然暴橫少恩嘗為觀察使所劾

范傳正字西老為蘇州刺史有殊政進拜宣歙觀察使在

劉禹錫後

張搏自湖州刺史移蘇州辟陸龜蒙以自佐種木蘭於木

蘭堂下

崔璞咸通中以司諫為郡有文采風流與郡中秀才相從

有詩詞即命僚屬及名士賡和其去郡皮陸皆有和

篇有露濃春後澤霜薄霽來威之句蓋恩威兩全之

政松陵集

白居易字樂天穆宗時以太子左庶子分司東都拜蘇州

刺史病免居易為郡時多燕遊嘗攜蟬滿容點茶十

妓夜遊西虎邱山又賦紀遊詩云領郡時將久遊山

數幾何一年十二度非少亦非多

劉禹錫字夢得裴度薦為禮部郎中集賢直學士出為蘇

州刺史

王口張有德楊志梁知微陰崇劉微江東採訪使

趙居貞比部郎中段同泰畢炕兵部員外郎許韶伯

右皆蘇州刺史

狄兼謨文宗時自鄭州刺史改蘇州以治最擢給事中

盧商字為臣為蘇州刺史吏以鹽法求贏貲民愈困商令

計口售無常額人便之歲貲反增宰相上其勞進浙

西觀察使遂相

陸亘歷蘇州刺史以善政稱事具人物門

盧簡求景龍中為蘇州刺史事見觀音院記

王仲舒字宏中自婺州刺史徙蘇州隄松江為路變屋瓦

絕火災賦調常與民為期不擾自辦穆宗每言仲舒

之文最宜為誥有古風召為中書舍人

王成自信州刺史有政績詔書褒美徙蘇州

楊發為蘇州刺史治以恭長慈幼為先以能政聞餘見雜

志門

崔稜字德長為蘇州刺史性介潔矜己之清視贓負者如

仇奏課第一遷湖南觀察使

唐有李丹宗瓊李希言兼採訪使

裴澄蕭誼職方郎中江東採訪使

錢鏐字具美龍紀開平之間以兵平定蘇州景福元年以

鏐為蘇杭等州觀察使奏置州縣及割嘉興縣為秀

州

後梁曹圭少有膽氣事錢鏐梁開平中任蘇州刺史淮人

圍之急正月望夜圭張宴族人師魯宅盛陳燈火令

賊俘縱觀淮人讐焉卒於官子仲達爲吳越國相周顯德三年會王師攻江南命王從兄知中吳節度事文奉爲水陸應援諸軍都統使于本州以備徵發

唐成及字宏濟吳越錢氏始爲蘇州刺史乾寧中楊行密攻之常熟鎮將陸郢等以城應賊及被執行密閱其府庫惟圖書藥物心敬重之與歸淮南將以爲行軍司馬及辭曰及以百口託錢塘姑蘇城陷不能引決以至於此豈可以本道符節易富貴於鄰境願以此身贖百口之命引佩刀將自刺行密遽起持之厚爲禮而歸之鏐迎勞郊外把袂而泣終彰義軍節度使孫承祐事錢氏本朝開寶八年改蘇州中吳軍爲平江軍

以承祐爲節度使賞從征之勞也承祐仕錢氏時嘗應王師征李煜破毗陵太平興國三年錢氏納土徙爲兗州泰寧軍節度使

吳越錢元璪字德輝鏐第四子儀狀瑰傑梁淳化三年以功遷蘇州刺史累授中吳建武軍節度蘇常潤三州團練使加檢校太師守太傅同平章事侍中中書舍人彭城郡王治蘇三十年儉約鎮靖郡政循理弟元瓘襲位元璪覲之宴宮中元瓘起壽曰先王之位兄宜當之俾小子至是皆兄推戴之力元璪俯伏曰王功德高茂先王擇賢而立敢忘忠順因相顧感泣兄弟訖無間言晉天福七年詔封廣陵郡王

九國志吳越備史

錢文奉元璪之子善騎射能上馬運槊涉獵經史精音律  
 圖緯醫藥鞠弈之藝皆冠絕一時初以父蔭為蘇州  
 都指揮使遷節度副使元璪卒代知蘇州中吳軍節  
 度使有鑒裁禮下賢能士負才藝者多依之作南園  
 東莊為吳中之勝東莊一名東墅多聚法書名畫寶玩雅器  
 號稱好事又與賓僚共采史籍著資談三十卷行於  
 世嘗問命於天台僧德韶韶曰明公年已八十一至  
 六十一歲以開寶二年八月十一日卒九國志吳越備史  
 鞠真卿所至有威名知蘇州政事無它施設而人自憚之  
 庭訟寂然每平明視事自無來者真卿即歸休客至  
 多不及見後自兗州貶南安軍道過蘇郡人相戒不  
 敢過其泊舟處五日左右不聞人聲其見憚如此林希

逸史章岵元豐中以朝議大夫守郡剛介不可屈人目之曰章  
 硬頸其子出入以皂絹為織二人肩輿

本朝牧守題名

題名

吳郡自古皆名人為守既畧編敘見牧守門本朝郡將則題  
 名石具焉中更兵燼石久不存紹興十五年王喚始追輯  
 自至道年陳省華始而石林先生葉夢得為之記今錄葉

記於注下而列題名於後平江吳故都控帶楚越形勢風物自為一都會本朝命守多一時聞人今寶文閣直學士王公顯道由工部侍郎來鎮適當兵火擾攘之後前此臨治者類急於招集流亡撫綏彫

瘵未暇盡舉其所當為至顯道曰天下今定矣化行自內  
 始相與奉承維持輔成永世之業實在四方之政於是官  
 隳而廢職者民姦而于令者一董振之凡間里疾苦朝聞  
 夕行異時調度不給或不得已取於民皆罷之未幾咸信  
 且畏上下秩秩有序蠹弊剗革幽枉宣達府庫有餘積而  
 斂不加廣蓋修城池興學校嚴舍館以待賓旅之至期年  
 郡以無事先是高祖太師景德中嘗領是邦至嘉祐中伯  
 祖侍郎復繼之逮顯道百餘年間王氏之為平江者三皆  
 有績在人上大夫以爲美談郡舊有太守題名記先後迭  
 代序次准謹亡於燬燼顯道訪之久而始得乃更伐石追修  
 故事以遺來者而求文於余以識其始惟善惡之在天下  
 固不可欺也未嘗無公論然必待久而後能定彼翕翕徇  
 俗掠取須臾之譽與所設施或未能窺其成而妄意有不  
 滿者徐以占於後則昭然如黑之與白其誰敢誣今郡爲  
 題名記所在而有豈是表姓氏紀歲月而已哉抑善者其  
 傳猶未泯吾得以考其不善者推其所以失亦足以戒各  
 以效其材而成其志則雖遐方幽遠之邦可使如在輦轂  
 而況其近者乎乃爲之書且以塗之言得於顯道者載焉  
 紹興十五年十月望觀文殿學士左通議  
 大夫提舉臨安府洞霄宮葉夢得記并書

陳省華

朝散大夫行在尚書吏部員外郎

魏庠

諫議大夫

裴莊

朝奉郎守尚書度支郎中

梅詢

朝散大夫太常丞直集賢院

王贄

尚書司封員外郎

曾致堯

尚書吏部員外郎

秦義

崇儀使

黃震

承奉郎守尚書屯田員外郎

陳靖

尚書刑部郎中直史館

康孝基

朝奉大夫行尚書都官員外郎

孫冕

大中大夫行書禮部郎中直史館

葉參

朝散大夫尚書刑部郎中虎邱雲巖寺



范仲淹 景祐 朝散大夫員外郎天章閣待制

蔣堂 景祐 朝奉郎尚書吏部員外郎

張億 景祐 朝散大夫尚書刑部員外郎直史館

富嚴 康定 左朝散大夫守尚書刑部郎中試秘書監

邵飾 慶歷 尚書考功郎中

梅摯 慶歷 尚書戶部員外郎

趙槩 尚書 刑部郎中

蔣堂 皇祐 樞密直學士左諫議大夫

王琪 皇祐 尚書度支員外郎龍圖閣待制

呂居簡 皇祐 至和三年 虎邱留題詩刻云光祿卿

唐詢 嘉祐

王琪 嘉祐 尚書工部郎中知制誥

蔡抗 嘉祐

鞠真卿 嘉祐

陳經 治平 朝奉郎守尚書祠部郎中

滕甫 治平 龍圖閣學士右光祿大夫

沈扶 治平 尚書金部員外郎

孫覺 熙寧 右司諫

張洸 熙寧

程師孟 熙寧 正議大夫給事中充集賢殿修撰

王誨 熙寧 朝散大夫尚書司勳郎中

唐詔 熙寧

韓朴 尚書度支郎中  
熙寧九年

范諤 左朝奉大夫  
元豐

韓鐸 尚書度支郎中  
元豐

楊景畧 元豐

晏知止 朝請大夫尚書司封員外郎  
元豐

劉淑 朝請大夫  
元豐

章岵 朝議大夫  
元豐五年

林希 朝散郎充集賢殿修撰  
元祐

劉定 朝散大夫  
元祐

王覲 承議郎直龍圖閣  
元祐

黃履 左朝請郎充天章閣待制  
元祐

吳居厚 左朝奉郎  
紹聖

蔣之翰 右朝散大夫  
紹聖

賈青 朝散大夫  
紹聖

王子京 承議郎充祕閣校理  
元符

陳師錫 承議郎充祕閣校理  
元符

張公庠 中散大夫  
元符

豐稷 樞密直學士建中靖國元年十一月到崇寧元年二月知越州

吳伯舉 朝奉郎直祕閣崇寧元年六月到

宇文昌齡 實文閣待制崇寧元年十月到十一月知越州

林邵 顯謨閣直學士朝議大夫  
崇寧

董誥 朝散大夫直祕閣  
崇寧

張恕 朝散大夫

邵龔 朝散大夫直龍圖閣

蔡渭 朝散大夫

郭茂恂 朝請大夫直龍圖閣

蹇序辰 中大夫充龍圖閣待制崇寧五年正月

許光疑 通直郎知衢州崇寧五年十二月到

孫傑 朝請郎直龍圖閣

吳拭 朝奉郎大觀二年五月

李孝壽 朝請郎大觀三年八月到四年三月降集賢殿修撰

王詔 朝請大夫充集賢殿修撰

馬防 中大夫復集賢殿修撰

盛章 朝請郎充顯謨閣待制

董正封 朝散大夫充集賢殿修撰

盛章 顯謨閣直學士朝散大夫

宋康年 中奉大夫

莊徽 中大夫充徽猷閣待制

應安道 徽猷閣直學士通議大夫

賈誼 太中大夫充徽猷閣待制

樓昇 徽猷閣直學士朝請大夫

胡直孺 中奉大夫充祕閣修撰

李倫 顯謨閣直學士朝散大夫

王靚 通議大夫充徽猷閣待制

鄭滋 朝奉大夫充徽猷閣待制靖康元年七月罷

趙岍 中散大夫

孫覲 承議郎充徽猷閣待制

湯東野 徽猷閣直學士中大夫

孫覲 龍圖閣直學士朝奉郎

李炳 資政殿學士中大夫

湯東野 徽猷閣直學士中大夫

胡松年 起復朝請郎直龍圖閣建炎四年閏四月罷

李彌大 顯謨閣直學士朝散郎紹興二年閏四月罷

席益 左朝奉郎充集英殿修撰紹興二年十月

李擢 左朝請郎充徽猷閣待制紹興二年十月

宋伯友 左太中大夫充徽猷閣待制紹興三年

孫佑 右朝請郎直祕閣紹興四年

趙子書 徽猷閣直學士左朝奉大夫

李光 顯謨閣直學士左朝奉郎紹興五年七月到

張守 資政殿大學士左中大夫紹興五年十二月到

章誼 龍圖閣學士左通議大夫紹興六年八月到

梁汝嘉 寶文閣直學士右朝散大夫紹興七年七月到

向子諲 徽猷閣直學士右朝請大夫紹興八年八月到

歐陽懋 右中奉大夫充徽猷閣待制紹興九年正月到

趙霈 徽猷閣直學士左朝議大夫紹興九年八月到

梁汝嘉 寶文閣直學士右朝散大夫紹興十年六月到

張宗元 寶文閣直學士左朝議大夫紹興十一年八月到十三年正月知靜江府

周葵 左承議郎直祕閣紹興十三年正月罷

王喚 寶文閣直學士右通奉大夫紹興十四年三月到十五年閏十一月除寶文閣學士十七年正月提舉江州太平興國宮

平興國宮

鄭滋 顯謨閣直學士左太中大夫紹興十七年三月到直學士十八年五月知建康府

俞俟 敷文閣直學士右中大夫紹興十八年五月知建康府

王昉 右奉直大夫紹興十九年三月到十一月除直祕閣知建康府

周三畏 右朝請大夫充敷文閣待制紹興十九年十月到二月朝請大夫充敷文閣待制紹興二十年五月到二十三年三月

徐琛 右中奉大夫充敷文閣待制紹興二十年五月到二十三年三月

李朝正 左朝請郎紹興二十三年四月到二月朝請郎紹興二十四年十一月罷

湯鵬舉 左中大夫直龍圖閣紹興二十四年正月到七月罷

王會 敷文閣學士右朝奉大夫紹興二十五年八月到十一月知建康府

孟忠厚 少師保寧軍節度使信安郡王紹興二十六年二月到十一月判紹興府

蔣璨 右中大夫充集英殿修撰紹興二十七年二月到二十八年三月

陳正同 右朝奉郎充敷文閣待制紹興二十八年十月到二月朝奉郎充敷文閣待制紹興三十年十月

朱翌 左朝奉大夫充祕閣修撰紹興三十年三月到九月除敷文閣待制紹興三十一年三月罷

洪遵 徽猷閣直學士左朝請郎紹興三十一年七月到五月除翰林學士

沈介 左朝奉大夫紹興三十二年七月到十一月除敷文閣待制

都府

陳之茂 左朝散郎直祕閣紹興三十二年十二月到隆興元年四月除直顯謨閣知建康府

張孝祥 左承議郎充集賢殿修撰隆興元年五月到二月赴召

陳漢 右中奉大夫直敷文閣隆興二年三月到七月主官台州崇道觀

虞允文 顯謨閣學士左朝請大夫隆興二年十月到十一月赴召

沈度 右朝散大夫直祕閣隆興二年七月赴召

沈介 顯謨閣直學士左朝請大夫乾道三年四月召

姚憲 右朝散郎直祕閣乾道三年五月二十日到任四年五月以捕盜有勞特轉朝請郎十二月磨勘轉朝奉大夫

徐嘉 左中大夫充敷文閣待制乾道五年四月十六日到任

汪應辰 端明殿學士左中奉大夫乾道六年五月

魏杞 觀文殿學士左宣奉大夫乾道六年五月

向灼 右朝議大夫直徽猷閣乾道八年

邱密 左承議郎直祕閣乾道九年四月差主管台州崇道觀

方滋 敷文閣直學士左太中大夫乾道九年五月到

馬希言 朝散大夫直敷文閣乾道九年七月到當年九月

韓彥古 朝奉大夫祕閣修撰淳熙元年七月到當年九月

莫漳 承議郎直祕閣淳熙元年

韓彥古 起復朝奉大夫除敷文閣待制八月罷

陳峴 朝散大夫直敷文閣淳熙二年八月到十一月轉朝請

單夔 朝奉大夫充敷文閣待制淳熙五年九月

司馬伋 中奉大夫充敷文閣待制淳熙六年四月

王佐 朝請大夫磨勘轉朝議大夫十一月改知臨安府

韓彥質 朝請大夫充祕閣修撰淳熙七年十二月

韓彥質 朝請大夫充祕閣修撰淳熙七年十二月

韓彥質 朝請大夫充祕閣修撰淳熙七年十二月

韓彥質 朝請大夫充祕閣修撰淳熙七年十二月

韓彥質 朝請大夫充祕閣修撰淳熙七年十二月

耿秉 八月授奉議郎直祕閣兩浙運判兼權淳熙九年七月到

謝師稷 朝散大夫十一月集英殿修撰淳熙十年十月到十

邱密 朝散大夫直祕閣淳熙十

何萬 朝奉大夫淳熙十

王希呂 龍圖閣學士中大夫淳熙十

趙彥操 朝議大夫充祕閣修撰淳熙十四年八月到十六年

袁說友 朝議大夫直祕閣紹熙元

沈揆 中大夫祕閣修撰紹熙二年

王尚之 朝奉大夫直龍圖閣紹熙

雷源 朝散大夫直煥章閣紹熙四年七月到五年八月覃恩

王漑 朝散大夫直祕閣紹熙五年十一月到慶元元年二月

鄭若容 朝散大夫直祕閣慶元二年二月除兩浙路轉運副使

虞儔 朝散大夫直煥章閣慶元二年十二月到三年四月磨

劉誠之 朝奉大夫直祕閣慶元四年六月到八月磨勸

趙不艱 朝散大夫直祕閣慶元五年六月到六年七月除直顯謨

張抑 勳文閣學士中大夫嘉泰二年三月到當月磨

張巖 資政殿學士正奉大夫嘉泰三年三月到

李大性 寶謨閣直學士太中大夫嘉泰四年七月到

張抑 勳文閣學士中大夫嘉泰二年三月到當月磨

張巖 資政殿學士正奉大夫嘉泰三年三月到

李大性 寶謨閣直學士太中大夫嘉泰四年七月到

張澤 朝請郎開禧二年五月到當年

沈作賓 中大夫龍圖閣待制開禧二年十一月到權節制許

視行府參贊軍事三

林采 通議大夫充寶謨閣待制開禧三年四月

李大異 朝奉大夫徽猷閣待制嘉定元年四月到六月磨勘

轉朝散大夫八月除寶謨閣直學士依舊知平江府

趙希懌 朝奉郎龍圖閣待制嘉定三年四月到四年八月除

散郎當年正月除顯謨

陳芾 朝散郎兩浙西路提點刑獄公事嘉定五年二月準尚

書省劉子兼權當年八月除直祕閣知平江府七年九

沈皞 奉直大夫祕閣修撰嘉定七年九月二十七日除浙東提

刑

趙彥櫛 朝請大夫集英殿修撰嘉定十年六月五

李大性 端明殿學士正奉大夫嘉定十二年二月六日

綦奎 朝散郎直敷文閣嘉定十二年二月二十九日到嘉

應勤逐殘虜委有勞績特轉朝奉大夫十五年該遇

受寶轉朝散大夫過滿旬祠至當年五月除主管毫

趙汝述 華文閣直學士正議大夫嘉定十五年五月二十九

道州明

沈皞 中大夫集英殿修撰嘉定十六年七月二日到十七

持徵猷閣直學士

金帶寶慶元年四月該登極恩轉通議大夫屢可祠

壽源萬



王元春

中大夫右文殿修撰寶慶元年六月十一日到三年四月八日除大理卿

章良朋

朝奉大夫直寶謨閣紹定元年三月初四日致仕

林介

寶慶三年四月以提刑兼權十二月除太府少卿依舊兼權紹定元年七月再兼權十一月改除大理卿

李壽朋

朝請大夫直寶謨閣紹定元年十二月二十八日到任二年十月十七日除依舊直寶謨閣判湖北路

轉運判官

朱在

朝議大夫寶謨閣待制紹定二年十一月二十六日到任三年十一月十一日除煥章閣待制知袁州

吳淵

宣教郎直煥章閣紹定三年十二月初三日到任四年四月二十一日該遇慶典轉奉議郎七月十六日改除

浙西提刑

鄒應博

朝奉大夫新除直祕閣紹定四年九月十四日到任六年十一月召赴行在

楊煜

端微猷閣學士正奉大夫紹定六年十二月十二日到任平元年三月可祠奉聖旨依所乞提舉隆興府玉隆宮萬壽

趙立夫

中大夫新除祕閣修撰浙西提刑端平三年三月兼知府事當年八月二十六日依舊祕閣修撰除樞密

副都承旨

張嗣古

中大夫右文殿修撰端平元年十月二日到任三年正月令赴行在奏事當年六月宮觀

王遂

朝奉大夫新除煥章閣待制四川安撫制置副使兼知都府端平三年四月十二日三省同奉聖旨依舊煥

章閣待制改差知平江軍府事節制許浦都統司水軍七月月初九日到任嘉熙元年七月二十五日奉聖旨除敷文閣待制差知

台除敷文閣待制差知

吳潛

朝請大夫新除工部侍郎嘉熙元年八月十七日到任九月二十五日准省劄都大提舉許浦

史宅之

二年正月與宮觀朝議大夫依舊徽猷閣待制改知平江府兼浙西提

舉嘉熙二年閏四月初三日陞寶文閣待制二十四日舉嘉熙二年閏四月初三日陞寶文閣待制二十四日

赴行在

制在府軍馬仍舊節制許浦水軍三年正月一日召

趙與憲

中奉大夫直敷文閣知平江府兼浙西兩淮發運副使嘉熙三年四月十三日到任五年五月初一日準樞密院劄子節制許浦水軍淳祐元年二月

史宅之

兼浙西兩淮發運副使提領措置和糴淳祐元年三

陳塏

節制許浦水軍提領措置浙西和糴淳祐三年二月十日

魏峻

散大夫集英殿修撰知平江府兼兩淮浙西發運副使節制許浦都統司水軍淳祐四年四月二十六日到任八月以經筵徹章轉朝請大夫五年四月御筆除寶章閣待制賜帶八月招糴及數轉朝議大夫十二月

徐鹿卿

朝奉大夫右文殿修撰知平江府兼兩淮浙西發運副使節制許浦都統司水軍淳祐六年閏四月二十八年四月二十二日御筆召赴行在五月十三日準告

吳淵

龍圖閣學士大中大夫浙西兩淮發運使兼知平江軍府事兼管內勸農使節制許浦都統司水軍宣城縣開國子食邑六百戶淳祐七年八月初一日交發運司職事十一日到任交割府事八年正月初五日奉聖旨依舊龍圖閣學士知

太平州兼提領茶鹽所

鄭霖

朝奉大夫權發兩浙西路提點刑獄公事至淳祐八年正月二十五日暫權平江府發運司職事當年七月六日奉聖旨除直寶章閣知平江軍府事兼主管浙西兩淮發運司公事兼措置浙西和糴於當月二十九日交割當年十二月初十日暫權浙西提舉當年當

聖旨以職事脩舉除

余晦

朝奉大夫直寶章閣知平江府節制許浦水軍兼淮浙發運措置和糴淳祐十一年六月十一日到任當年八月

月磨勘轉朝散大夫十一月因任淮東總領擢節浮費置田糴米轉朝清大夫十二年正月十二日三省同奉聖旨除右司郎官

余天任

中大夫寶章閣待制知平江府兼浙西兩淮發運使

節制許浦都統司水軍兼提領措置浙西和糴淳祐

趙與訔

十二年六月初二日到任至寶祐元年四月日

奉御筆除兵部侍郎繼奉御筆除兵部尚書

朝清大夫直寶章閣兩浙西路提點刑獄公事於寶

趙汝歷

祐元年八月初四日得旨暫董和糴九月二十八日

差知平江府兼主管浙西兩淮發運司公事當月二

趙與憲

十五日

朝奉即除直寶章閣知平江府兼主管浙西兩淮發

運司公事措置浙西和糴寶祐二年正月二十六日

吳郡志卷十一

交割發運司職事二月初一日到任交割府事以磨

勘尋轉至朝奉大夫三年七月二十八日離任

吳郡志卷十二

寶祐三年七月二十日三省同奉御筆除觀文殿學

官吏

祠廟

官吏

士知平江軍府事兼管內勸農使節制許浦都統司

水軍兼浙西兩淮發運使措置浙西和糴縉雲郡開

國公食邑三千三百戶食實封七伯戶寶祐三年八

月二十五日到任至寶祐四年三

月十三日奉聖旨兼浙西提刑

後漢彭修會稽人為吳郡功曹時西部都尉宰晁行太守事

以微過收吳縣獄吏將殺之主簿鍾離意爭諫甚切晁怒

使收縛意修排闥直入拜於廷曰明府發雷霆於主簿請

聞其過晁曰受教三日初不奉行廢命不忠豈非過耶修

因拜曰昔任座面折文侯朱雲三攀毀欄檻自非賢君焉

得忠臣遂原意貸獄吏意亦以是得名

尹興為吳郡太守楚王英陰結天下名士興在錄中英敗明

帝徵興及掾史五百餘人詣廷尉考治門下掾陸續主簿

梁宏功曹史駟勲備受五毒終無異辭續母自吳來雒陽作食饋續續雖見考辭色未嘗變而對食悲泣不自勝治獄使者問其故續曰母來不得見故悲問何以知之續曰母截肉未嘗不方斷葱以寸爲度故知之使者以狀聞上乃赦興等

吳孟仁字恭武江夏人爲吳令時不得將家之官每得時物必以寄母常不先食及聞母亡犯禁棄官

吳志

宋江徽爲吳令元凶殺徐湛以黨與併被害

王逵之字宣約少禮學博聞仕爲吳令

齊江介謚之子建武中爲吳令政深苛人門榜髑髏爲謚首介棄官去

齊周洽洲南人歷吳令廉約無私卒無以殯斂

齊傅翽琰子爲官有能名爲吳令別建康令孫廉廉問翽曰聞丈人發姦擿伏惠化如神何以至此答曰無他也惟勤而清清則憲綱自行勤則事無不理憲綱行則吏不能欺一事理則物無疑滯翽父珪爲縣竝著奇績時云諸傳有理縣譜父子相傳靳以示人

王思遠立身簡潔王子貞爲吳郡除思遠吳郡丞以本官行郡事論者以爲得人

梁沈浚字叔源涉學有才幹仕梁爲吳令有能名

陸蒙事梁爲吳令節操甚高

唐鄭渾之咸通末爲蘇州督郵談銖爲齋院官鍾福爲院巡

時湖州牧李起及趙蒙俱狀元人語曰湖接兩

頭蘇聯三尾

嵐齋錄

唐孟庭份郊之父庭份為崑山尉生郊以詩名世或云份亦

能詩

武平一元宗時自考功員外郎貶蘇州叅軍雖被謫而名不

衰

劉綺莊為崑山尉研窮古今博考傳記作類書一百卷號崑

山編至今傳於世

韋至誠吳縣尉

蕭存字伯誠穎士子亮直有父風能文辭浙西觀察使李栖

筠表為常熟主簿

皮日休字襲美咸通十年為郡從事居官纔一月著書號鹿

門子

丁陳范謝皆錢元璪及子文奉為中吳軍節度使時為節度

推官四人俱以長者稱丁名守節晉公謂之祖陳名贊明

屯田之奇之祖范名夢齡文正公仲淹之曾祖謝名崇禮

太子賓客濤之父

邊倣雍熙初為崑山令因舊址新作夫子廟自是縣學始興

繼以王禹偁為作記記具縣學條

王禹偁太平興國九年以大理評事知長洲縣雍熙四年召

赴闕入朝為名臣今虎邱寺有元之祠堂刊東坡讚於其

上

張文定公安道景祐中爲崑山令時吳越歸國未久前此豪  
民占田無限歲遠多訟有數十年不決者公召問所輸租  
稅幾何大率百纔一二乃悉收其羨田以賦貧民訟亦息  
時蔣希魯侍郎守郡得公所著芻蕘論上之遂舉賢良方  
正科

韓正彥字師德魏公之姪嘉祐中爲崑山令勸石堤疏斗門  
作塘七十里以達于郡得膏腴田數百萬頃又請以輸州  
之賦十三萬從便輸於縣鳩作塘餘材爲倉廩以儲之民  
大悅比去遮道以留爲立生祠作思韓記鑿石祠下

章岷字伯鎮嘗爲平江軍推官有文聲范文正公有和章從  
事鬪茶歌及同登承天寺竹閣詩

賈公望字表之嘗爲郡通判時朱勔父子鼎盛奔競者爭趨  
其門公望疾之有詩云倏忽向六十萍蓬無奈何丹心猶  
奮迅白首分蹉跎正直士流少傾邪朋類多陽光一銷鑠  
不復見妖魔勔之子賜金帶公望亦衣三品服偶以朝拜  
會天慶觀中朱從者見公望所佩魚睨而視之公望厲聲  
叱之曰此是年及得來非緣花石左右皆錯愕朱大銜之  
竟擠之罷去

寇國寶徐州人從陳無已學嘗爲吳縣主簿賦詩爲左丞葉  
夢得所喜詳見雜志門

### 祠廟

至德廟卽秦伯廟東漢永興二年郡守麋豹建於閭門外辨

疑志載吳閶門外有秦伯廟廟東又有一宅祀秦伯長子

三郎吳越錢武肅王始徙之城中纂異記又云吳秦伯廟

在閶門西皮日休詩云一廟爭祠兩讓君蓋併祠仲雍舊

矣今廟在閶門內東行半里餘門有大橋號至德橋乾道

元年郡守沈度重建其法五其人禮祭法聖王之制祭祀

大聖賢有大功烈於民者非此族也不在祀典夫以厚

賢不報神其祠所吐之乎報之有壇先哲則有廟後世

施之邪必有祠所社稷則有壇先哲則有廟後世於廟尤

里其尊嚴崇像設儼侍衛見之者凜如也水潦入其門

必祈皆長吏之常事應而有報亦事之常儻入其門

堂神所馮依曾不足障風雨區區樽罍十數而泰伯廟

而報之薄歟吳門巨藩神祠之載祀典者十數而泰伯廟

為雄甚東漢永興二年郡守麋豹肇建於閶門外吳越武

肅王錢氏始內徙之國朝元祐間太守黃履歷考前政若

梅詢若范仲淹若孫覺輩數公淫潦有祈靡不響答列其

事於朝有詔號至德廟崇寧元祀守臣吳伯舉請疏王爵

有詔封至德侯建炎擾攘鞠為灰燼厥後草創殆無以擢

虔妥靈今天子拔沈公於尚書郎以直祕閣尹是府至則

訪及民利病以次罷行之其為政寬嚴詳簡允蹈厥中治

人事神罔不祗肅隆興二歲天作淫雨害於穡事民不奠

居乾道改元春二月公飭躬齋戒走祠下而祈焉神顧饗

之是歲麥以有秋府從事請具牢醴以謝公曰不致廢也

然易足報萬分一於神或怨恫祥慶弗下願之施甚厚

而廟貌不治之日久大懼神或怨恫祥慶弗下願之施甚厚

昭告乃鳩良工斥少府之餘私橐之助壞材堅甃櫛比

墉崇宏舊基植高棟抗修梁藩垣階祀盡革而一新之觀

繪之容若欣然有喜色民無老穉相扶攜以觀厥成皆

以手加額曰美哉輪焉誠足以塞民望而報神之施矣風

雨不休禾則大熟秋九月甲子落成幾就養府下目覩祈

為不誣公屬幾紀其實既牢辭弗獲命若虛公之辱是終

無以待揚休事而告後人也於是乎書左通議大夫充敷

閣待制致仕會幾記皮日林一廟爭祠兩讓君幾于後

轉清芬當荒年盡解稱高義誰敢教他莽草紛陸龜蒙故

城荒德未荒年盡解稱高義誰敢教他莽草紛陸龜蒙故

間有讓王張詠至德本無名宣尼以此評能將天下不讓

有聖人南國奔方遠西山道始亨英靈豈不在千古

江橫蔣堂泰伯何為者不以身道始亨英靈豈不在千古

吳濱隱德照來世遺祀傳斯民吁此廉讓國合生廉讓  
 龔頤正作迎享送神辭三章云翼翼兮新宮蘭栢兮栢桂  
 祥氛總總兮高靈下隊君視八紘兮昔何殊於棄屣兮復  
 何有兮一席之壇惠我吳人兮曷日以弭吁嗟君來兮我  
 心則喜君來不來兮我忘食事禮登歌兮堂上屢舞兮堂  
 下君來享兮清酌溪毛陸離兮筐筥芳鮮兮亦有肥  
 豈君不來兮使我心苦禮車兮載旃舟兮揚颿鼓咽咽兮  
 君當還君肯來兮向盤桓我心熒熒兮其無端君不我留  
 兮下土囂煩福我吳人兮無疾與禮  
 患千秋萬歲兮歌至德以何言禮

吳王夫差廟今村落間有之舊廟無攷鑑誠錄云世傳此廟

拆姑蘇臺木剏成唐陳羽秀才嘗題夫差廟時人謂之題

破此廟陳羽姑蘇臺畔千年木刻作夫差廟裏神幡蓋寂

危不信忠良任伯誣自古家  
 家有容冶何須亡國端西施

伍員廟在胥口胥山之上蓋自員死後吳人即立此廟乾道

間復修之規製猶陋盤門裏又有員廟即雙廟是也梁簡文帝

立國資孝本循忠全令名舟裏多奇計蘆中復吐誠優月  
 交吳艦魚麗入楚兵九功推妙算千載籍餘聲洪濤猶鼓  
 怒靈廟尙淒清行潦承椒奠宮懸雜鳳笙無勞晉后璧詎  
 用楚臣纓密樹臨寒水疎扉望遠城窻寒野霧入衣帳積  
 苔生惟有三春鳥斂翅時逢迎張詠胥也應無憾至哉忠  
 孝門生能酬楚怨死可報吳恩直氣海濤在片心江月存  
 悠悠當日者千載祇慙魂揚備出境鞭屍報父讐吳  
 兵勇銳越兵憂忠魂怨氣江雲在日見爐香煙上浮

南雙廟在盤門裏城之西隅二廟左英烈王伍員也右福順

王隋陳杲仁也杲仁又稱武烈帝或云五代初常潤尙屬

淮南杲仁廟在常潤間錢氏得常潤遂移廟于蘇按吳志

孫權既稱尊號諡堅曰武烈皇帝帝號與杲仁同況堅墓

吳地記謂在城南二里許去盤門密邇疑此廟恐是祠堅

爾建中靖國中太守吳伯舉重修是時蔡京自翰長罷過

吳門爲作記并書題記曰今天子即位元年愛重黎庶慎  
 簡牧守詔以左史吳公爲直祕閣知



蘇州公至朞歲政化大洽盜屏斥牒訟疎簡民康靖  
 公曰噫嘻先成民而後致力於神古之善經也今俗且治  
 矣其錄境內神祠廢壞者以公帑所餘畢修之使安定休  
 正無有崇厲為吾民憂吏白城西隅有舊廟二荒侈當  
 完按圖經暨州縣版祝所稱一為永昌武大自昔相傳皆以  
 賢德王而邦人由間閭市井及學士大夫自昔相傳皆以  
 為伍子胥廟歲時祭享甚盛雜然同辭莫可奪也或言故  
 隋將陳杲封福順王又使諸郡皆為建廟則福順之號為  
 請於梁朝封福順王又使諸郡皆為建廟則福順之號為  
 杲仁無疑至永昌之稱杲私出以卒營繕協謀齊慮鳩  
 邦人獨以子胥之故願眾私出以卒營繕協謀齊慮鳩  
 工類材填郭之故願眾私出以卒營繕協謀齊慮鳩  
 已告新廟本意敢以舊殆恐無以安子胥之靈而失邦人  
 所以完廟本意敢以舊殆恐無以安子胥之靈而失邦人  
 險內虞汎濫外關守禦請公曰然昔吳瀕海建國恃水作  
 子胥相土濫水築置城郭實倉廩治兵庫闕門二八以象  
 風卦始能啟塞有幾百載踰千其城域門號之虞而存抱  
 關擊柝之警更祀幾百載踰千其城域門號之虞而存抱  
 而擊柝之警更祀幾百載踰千其城域門號之虞而存抱  
 納諫以至於身二者皆人之所難昔日之不死蓋以爲吾  
 父教人之為忠孝之跡昭著前史殊尤卓絕震暴耳目  
 以教人之為忠孝之跡昭著前史殊尤卓絕震暴耳目

匹夫匹婦可以與知及其久也宜胥化焉故後漢太守  
 豹按行屬城問風俗所尚其功曹唐景曰處家無不孝之  
 子立羽無不忠之臣儻非漸漬餘風被服成俗疇能臻此  
 哉是子胥嘗能教吾民也既安之又能教之由父傳子  
 由子傳孫綿綿聯聯以至今日厥德茂矣宜當血食此地  
 而廟貌不立於城闕乃不勉祭法曰法施於民則祀之  
 疇昔守職之闕吾敢不勉祭法曰法施於民則祀之  
 死勤事則祀之以勞定國則祀之非此族也不在祀典今  
 福順雖有功代事跡僅存民弗敬慕蓋託子胥獲享不  
 替而武氏名功亦安敢然壘滅無所考證使子胥不忘斯  
 民實鑒臨之則武亦安敢然壘滅無所考證使子胥不忘斯  
 吾將請於天子冀正英烈之號以嘉廟額而用不承民志  
 殆或可乎武林元時敏曰好惡靡常莫能自克惟民為然  
 古之君子因其民所好之善而導之反民所好之非而禁之  
 好惡得正而其治成矣鄭人欲祀伯有子產從之顧民好惡  
 人欲祭河伯西門豹從之而禁焉二祀伯有子產從之顧民好惡  
 有當否也今吾民願祀子胥甚勤是知有功德於民而不可  
 忠孝之可勸也因而導之使成於善此所謂不嚴而治者  
 顧豈俗吏之勸能為耶公一舉廢事而順於民安於神  
 又足為天下之所勸三善備矣不可不書也於是乎書建中  
 靖國元年十二月十二日記

春申君廟在子城內西南隅即城隍神廟也

新廟記云轄

矣猥以薄材謬承重寄欬自淮服半刺超為江南方伯郡  
領二地巨五千皇皇者華幾慙輝道競競其志常誠飲  
水周爰諮詢申命行事損以懲忿窒欲益以改過遷善材  
狼擁路埋輪以逐之騏驥伏櫪攬轡以騁之宣王化而盡  
覺風行安甯日月其除水霜再履始也務不暇給今也處  
有餘閑別祈神仙獲歲豐稔乘公堂之宴縱靈廟之遊城  
不復隍樹先禁伐闕荒以毀梁木小而摧乃喟然歎曰  
神必依人茲望福依無所據福安來哉昔越踐滅吳楚  
威滅越考烈王繼立春申君登相封江東之巨縣城吳墟  
為大都專主威權救國災患與趙魏為四公子巨賓旅有  
三千人擠聘使之或誇上客之珠履王久無似君方患  
乃殂落子為君主母望之既歆然而有娠遂之禍遄興舍人其  
亡多居郢國假君恒守下蒿里相催天乎笑號之先忍此令  
尹其舳繫父子之沉埋夷盡其家賊園之故宮一朝冀將滅  
沒其舳繫父子之沉埋夷盡其家賊園之故宮一朝冀將滅  
口聞於假君西廂視事上客東室齊班李園死士庚方  
備其側假君西廂視事上客東室齊班李園死士庚方  
饗其側假君西廂視事上客東室齊班李園死士庚方

戮僕夫閑駿辰位呈形大雪久冤之魂更申如在之敬家  
屬穆穆展哀榮也儀衛肅肅振威名也巨木擁腫而皆古  
小裁青葱而悉新總之一門是謂神府宜正名於黃相削  
訛議於城隍昔韓整守吳荆吳伯之廟太史適楚壯楚相  
之宮余固兼之言可則也神有新宇密應之落之福人有貞  
追之豕之我躬披文紀曹張鬪兵曹蘇相為判官安喜尉  
李崗為支使同郡舊知精明深識異途新合歷落瓌材三  
人冀有我師四牡慎行爾職欽往賢之恥歎垂後昆之  
裕長史宋尚主臣餘慶佑嶽良能司士楊彥琛每憂司存  
實稱佳吏預乎作廟翼翼觀乎降神欣成亦相因斯焉  
附出唐天寶單闕歲除日中散大夫守吳郡太守兼江南  
道採訪處置使柱  
國天水趙居貞記

郁史君廟在太湖衝山中

聖姑廟在洞庭晉王彪二女相繼卒民以為靈而祀之紀聞

云唐人記洞庭山聖姑祠廟云吳志姑姑姓李氏有道術能  
履水行其夫殺之自死至唐中葉幾七百年顏貌如生儼

然側臥遠近祈禱者心至則能到願心若不至風迴其船  
 無得達者今每一日沐浴為除爪甲傅粧粉形質柔弱只  
 如熟睡蓋得道者歟辨疑志云唐大歷中吳郡太湖洞庭  
 山中有昇姑寺有昇姑廟其棺柩在廟中俗傳姑死已數  
 百年其貌如生遠近求賽歲獻衣服粧粉不絕人有欲觀  
 者其巫祕密不可云開卽有風雨之變村間敬事無敢竊  
 窺者巫又云有見者衣裝儼然一如生人有李七郎荒狂  
 不懼程法率奴客啟棺觀之唯朽骨髑髏而已亦無風雨  
 之變二說今皆無考姑存舊傳云皮日休洛神有靈逸古廟臨空渚暴雨駁丹青  
荒蘿繞梁柰野風旋芝蓋饑鳥銜椒精寂寂落楓花時時  
 鬪鼯鼠常云三五夕盡會妍神侶月下留紫姑霜中召青  
 女俄然響環珮條雨鳴機杼樂至有聞時香來無定處目  
 瞪如有待魂斷空無語雲雨竟不生留情在何處陸龜蒙

渺渺洞庭水盈盈芳嶼神因知古佳麗不獨湘夫人流蘇  
 蕩遙吹斜嶺生輕塵蜀綵駁霞碎吳綃盤露勻可憐飛燕  
 姿合是乘鸞賓坐想雨煙夕兼之花草春空登油壁車窈  
 窕誰相親好贈玉條脫堪攜紫綸巾殷勤撥香池重薦汀  
 洲蘋明朝動蘭  
 微不翅星河津

靈祐廟卽慧感顯祐善利夫人廟在能仁寺內夫人陸氏梁  
 衛尉卿僧瓚之女僧瓚捨宅為寺夫人就居之是為重元  
 寺寺祀夫人為伽藍神號聖姑元符元年郡大旱通判祝  
 安上攝郡禱而應以其事聞錫封慧感夫人郡人奔湊致  
 禱相與社而稷之闔境祠廟莫能尚也其節次加封及始  
 末靈感之跡具諸記中禪陰記元符元年歲在戊寅夏吳  
 中大旱徧禱羣祀畧無應者是歲  
高田不獲人多暘死負販之民皆捨其業而以售水自資  
 涉冬至二年春夏之交舟車益不通百貨湧貴城中溝澮  
 堙淤發為疫氣通判軍州事朝請郎祝公適領郡事廼用  
 故事早暮分禱于所宜祀者一日會承天寺客言此乃梁

衛尉卿陸僧瓚捨其第為之昔號廣德重元寺陸卿有女  
 子不嫁經營其事既死祠于寺之東廡開寶中吳越忠諫  
 王朝京師道出吳江大風幾覆舟見女子拯之自言重元  
 寺之神也本國加封號感應聖姑今里中事之甚敬公聞  
 即謁且言明後復膳黎明躬至祠下再拜而言曰郡承連年  
 約得雨而後疾疹相乘而作農事失時歲且大饑雖某有罪  
 獲早流亡然疾疹相乘而作農事失時歲且大饑雖某有罪  
 也屏息聽命左右告曰天油然作雲矣未及命駕注雨應至  
 憩于齋堂左右告曰天油然作雲矣未及命駕注雨應至  
 老幼驩呼於道至有不忍以登笠自庇者即日盈尺闔境  
 告足乃具事白于外臺使者以聞詔書褒美特封慧感夫  
 有秩視公侯列于典祠按陸氏得姓於齊宣王之少子至  
 漢有字伯元者仕為吳令遷豫章都尉既卒吳人思之迎  
 其喪葬于胥屏亭子孫遂家焉伯元生州從事親生顧生  
 州丞事鴻尹璜璜生宏農都尉文生州從事親生顧生  
 尚書令閔闕生桓桓生揚州別駕續續生選選生尚書門  
 校尉紆紆生九江都尉太學博士駿駿生選選生尚書門  
 瑁生穎紆紆生九江都尉太學博士駿駿生選選生尚書門  
 事元之穎紆紆生九江都尉太學博士駿駿生選選生尚書門

尉與平康伯玩玩生五兵尚書侍中始始生秘書監侍中  
 萬載萬載生宋東陽太守子真子真生齊南兗州刺史惠  
 曉惠曉生梁太常卿倕倕生衛尉君凡二書監父子兄弟  
 絕皆有才德名在史冊自興平康伯至秘書監父子兄弟  
 五世內侍嘉祥積慶挺生夫有人惟夫人生也精修正潔  
 入清淨海其歿也通于神明有感斯應故能致朝廷報稱  
 之禮甚厚既以詔書刻于石將求老於碑陰乃為之敘云  
 嘗聞朝請公元祐間以奉議郎知棗城雨暴滹沱河水盛  
 漂泛林木室廬蔽川而下水及城門雉堞凜然將決老弱  
 皇恐奔潰急調夫督水工雨且不止人無所施其力公廼  
 朝服涉濤立于隄上鞠躬申禱水溢隄壞相去數尺吏民  
 救止公堅立不動以笏叩頭願以身任責於是雨小止水  
 波稍回河遂復其所潰陷之地明日復為平陸如故使  
 者方欲言諸朝會公秩滿請罷遂已北方之人至今能道  
 其詳惟公憂國愛民所至以誠心格物如此是可書也故  
 附于左元符三年歲次庚辰秋八月  
 月乙未朔十日甲辰布衣林戊記

天王堂在子城西北隅雖一小廟蓋古屋也建炎狄難盈城  
 宮室悉為煨燼惟郡南覺報小寺以旁西營幕所寓不及

燬而此堂巋然獨存郡人至今敬之

吳郡志卷十二

吳郡志卷十三

祠廟下

包山廟在吳縣西南一百里

土山卜將軍廟在崑山縣頃於山下菜圃朱四家得斷碑云

唐卜府君墓府君諱真碑字雖漫漶多闕文尙可辨然無將軍之號

三高祠在吳江縣垂虹橋南卽王氏臞庵之雪灘也昔堂在

垂虹南圯極偏仄乾道三年縣令趙伯盧徙之雪灘三高

者范蠡張翰陸龜蒙也此祠人境俱勝名聞天下祝鑑三

稱知幾其神乎君子見幾而作不俟終日須之則後矣是  
維成功之下不可以久居亡道之人不可與久處兵亂之  
世不可以苟仕知斯三者則知幾矣遲之其殆危乎昔者  
越相范君既苦身勩力與勾踐深謀踰二十年滅吳霸越

用復會稽之恥謂大功之下難所以久居暨還返國遠書謝  
 王去之乘輕舟浮五湖莫知其所以終極而大夫種沈吟不  
 時決卒用誅厥後七君東曹掾君知其不難與獨處  
 方時齊王專朝怙已署君懷託與菰鱸促駕告歸無何  
 慨千百里之羈宦臨秋風而長懷託與菰鱸促駕告歸無何  
 同敗又後五百有餘歲唐有陸魯望當咸通乾符世寇亂  
 方殷隱身自放扁舟蓬席儵然自終竟全亂世如三湖散  
 人辟署無所從徵命無所答優游自終竟全亂世如三湖散  
 牛可謂知幾君子哉雖地異時殊語不同然其去自全  
 咸遂其高熾均也吳江邑地瀕帶具區舊有長橋橫絕江  
 湖之閒脩檻浮梁植立千柱電埏淝澗帆鳥樹滅沒煙際東  
 空涵泳星日包山洞庭如在天外風帆鳥樹滅沒煙際東  
 西行以者為三日吳遊觀之偉好事者又寫鴟夷子皮之像  
 配生所遊居也貞風素烈尚稟然湖山趙九齡聞而概見歲  
 庚申秋七月月初吉括蒼祝鎰與大梁人趙九齡聞而概見歲  
 悲歌望遠舉觴醺江慷慨言曰去危即安夫而願之功非然  
 皆反焉者何哉知幾者鮮也鹿門子世同交夫而願之功非然  
 不多也顧常侍材非不周仕亂世勉學非去奈何乎識之憂  
 而辱也幾遠矣惟鴟夷子道世勉學非去奈何乎識之憂  
 卑也知幾遠矣惟鴟夷子道世勉學非去奈何乎識之憂  
 子羸然山澤之懼像而配之幾不倫矣豈不師曰亟隱亟去

身名俱全以是為同曰三高云者豈異稱哉後之君子苟  
 龍祿之是耽發機之禍忽忘不戒聞三高之風仰三高之  
 像庶少警乎不然涉斯流也登斯梁也無媿乎後金人南  
 悔乎其無悔乎始橋之置於慶歷歲中建炎初載金人南  
 牧并及祠宇火之無餘後六年當紹興癸丑歲今吳郡楊  
 君同與今御史單父祝君師龍為邑尉蓋因其廢址實劫  
 而新之復立祠如故云謹記范成三大尉蓋因其廢址實劫  
 二月吳江縣新作三高祠成三高者越上將軍姓范氏是  
 為鴟夷子皮晉大司馬東曹掾張氏是為江東步兵唐  
 贈右補闕陸氏是為甫里先生三君不並世而鴟夷  
 子皮又嘗一用之是為國所成大名顯而去之季鷹魯望  
 矚儒使有為於當年其節相望於松江太湖之上故曰  
 見微脫屣天刑清風峻節相望於松江太湖之上故曰  
 同高之而吳江之人獨私得奉烝嘗以誇於四方若曰此  
 吾東家邱云爾邑大夫趙伯虛以故祠偪陋將改作鄉老  
 王份獻其地雪灘乃築堂其上告遷而奠焉且屬石湖范  
 成而為之辭噫不有君子其能國乎盛際乃自寂寞之濱  
 掉頭而弗顧人又從而軒冕安留連卒悔於後者亦將  
 人高而君之風而跡其所以為高此豈盛際乃自寂寞之濱  
 於豪傑之士或肆志乎軒冕安留連卒悔於後者亦將  
 有感於斯堂而成大志何足以述之然屈平既從彭咸而  
 桂之賦猶招隱士疑若隱處林薄不死而仙况如三君蟬

蛻溷濁得全於天者嘗以倚楹而望水光浮天雲日下上  
 風颿煙蓬飄忽晦明意必往來其間成大亦何足以見之  
 姑效小山作歌三章以招焉遂從而歌之曰若有人兮扁  
 舟撫湖海兮遠遊眾芳媚兮高邱忽獨君兮不可留長風  
 積兮浪波白蕩搖空明兮顧懷兮斯路與涼月兮入滄浦戰  
 星剌剌兮其下孤蓬眇顧兮南北一色鏡萬里兮今不可  
 爭蝸角兮昨夢一笑水雲得意兮垂虹可以儀擢仙之江  
 兮壽無期樂哉垂虹兮去復來載歌曰若有人兮橫大江  
 秋風起兮歸故鄉鴻飛兮無度兮吾之土膾脩鱸兮而在  
 嗟人胡為兮天地四方美無命君可望兮庶杜若一杯之  
 登菰蓴兮萼燕之水仙續兮胥命君可望兮庶杜若一杯之  
 兮揮碧寥娛燕息兮江之臯萊蘋堂今庶杜若一杯之酒  
 兮我為君酌又歌曰若有人兮北江之渚披雲而晞兮類  
 烟雨菊莎兮杞棘歲晚兮歸來故墟君食佃一月明無入  
 羞三泉兮終古千秋風露兮歸來故墟君食佃一月明無入  
 與語牛宮兮生蒲荷潮西東兮今下田一波訪南溟兮鄰  
 曲山良是兮邱壘多稼九晚兮今其刈聊春客兮茲里  
 是歲六月既望書遺邑人使習以侑祠伯虛請遂以爲記  
 程俱三高堂詩序蠡位越相祿萬鍾去之如涕唾則後世  
 角毛銖之得冒坎獲而不省者可以少沮翰進退無必隨  
 時而保身則出處之意得託菰鱸以示好又何深哉龜蒙  
 江湖一匹夫然於其不合執位無加也其交如皮日休

終見於賊巢彼獨挺然玉峙無一罅可指擿與夫攫金  
 挾炭之夫蓋萬萬矣夫左手據圖籍右刃掠其吭雖冥  
 不為也揣是而求之輕重得矣然世固有抱利權逐勢位  
 死不反顧為天下笑者幾何人哉其於輕重思是又  
 出冥者之天下也然則是三子者像明年三月甲子之  
 符二年吳江下立三子者像明年三月甲子之安于祠堂  
 不可僚佐拜而奠之某謂奔競久矣冀得守道自重確乎  
 清節之為貴無望之而未見抑有之而未聞邪今居是邑  
 仰三子之志意其知時而退不以迷於出處之道蓋君子之  
 所悅聞也凡我同志其系之退以詩李華鴟夷子皮贊龍蟠  
 幽谷非時則伏蟬蛻高枝飲露而飛進如風行退若雲歸  
 冥冥其幾赫赫其歸于粵霸與強吳蕩夷長笑申公為夏  
 傳之蘇軾書三賢畫詩誰將射御教吳兒長笑申公為夏  
 姬却遣姑蘇有麋鹿更憐夫子得西施右范蠡浮世功勞  
 食與眠季鷹真得水更憐夫子得西施右范蠡浮世功勞  
 自賢右張翰干首文章二項田囊中未幾且為鱸魚也  
 却因養得能言鳴驚破王孫金彈丸右陸龜蒙  
**煥靈廟在常熟縣破山唐咸通中所建龍堂也本朝政和二**  
**年賜今額五年加賜宣惠侯**  
 龍堂記禮山林川谷邱陵能  
 生雲為風雨見怪物皆曰神

若然者龍亦能為風雨也見怪物則其澤之在民厚矣神而  
 祀之宜夫常熟澤國也風雨不至民受其禍汝南周君為令  
 者苟祀之且至被其利祀于破山之上果雨以應君曰受其  
 賜徒崇以報不可也於是命工以時怪物止水旱不為屬  
 之著於典用潔其祀於是風雨時止水旱不為屬  
 連歲以穰其神之澤乎君乞文其事曰休嘉其為道皆書  
 之勤民之祀也君為其祠已祀乎凡事日休嘉其為道皆書  
 民故從之成通十三年二月十日九日新攝嶺南東道節度  
 巡官試祕書省校書郎皮日休記新攝嶺南東道節度  
 政和二年宜漕臺煥靈廟為額邑人感應之實聞于昭越明  
 年制曰二年宜漕臺煥靈廟為額邑人感應之實聞于昭越明  
 祝後二年宜漕臺煥靈廟為額邑人感應之實聞于昭越明  
 曰可特封宣惠侯於是縣大夫率佐官祇奉休命宣于祠  
 下而邑之士女雲集將退咸告丞魯詹曰侯之廟宇君與  
 縣大夫謀之侯之封秩君與縣大夫請之今堂宇將畢而  
 綸誥適班盍記之以修其事惟侯之祠舊在破山與福之  
 澗上父老相傳其誕育之異輦自梁武之舊初我宋龍興妙  
 選守令為民師帥太平興國中侯之祠舊在破山與福之  
 監幾五百歲矣時積潦泛漲躬禱於侯不暑雲斂而霽天  
 歲則大白龍示見盤旋豕上彩雲之瑞焜耀山間迄今又幾  
 是日

一百有四十載矣色人乃相與作廟于山腰龍池之上侯  
 之先壟在焉經歷若久之始克成茲豈偶然哉佳城左  
 義方沼灑灑峰巒虎邱昆玉遙岑碧列岫橫翠雲煙之  
 則福嶺狼巖右則虎邱昆玉遙岑碧列岫橫翠雲煙之  
 祥疑在仙島氣象之偉實冠吳中觀侯之初以神力遷葬  
 而陰陽家流咸謂勝之地今新廟奕奕實下瞰焉庸詎知其  
 非侯之意哉政和五年十一月廡廡蓋將有於來者焉政和  
 月朔廟前殿成若門墉廡廡蓋將有於來者焉政和  
 五年十一月廡廡蓋將有於來者焉政和  
 平江府常熟縣丞魯詹撰知

東嶽在常熟縣福山鎮泰山修嶽廟記

神顯冊褒嘉位號崇隆得非衛社稷福生靈運功烈於冥  
 冥之際宜有所報稱歟是故四方萬里不以道塗為勞往  
 奉祠事往規模岱嶽立為別廟多矣然未嘗有盛於姑蘇  
 之福山也福山廟經始於淮閩之垂六十年樓殿於門廊  
 并諸舍巍然而輪奐江天萬壽且以祈者各自其所  
 有以效歲時來享之誠上祝天子萬壽且以祈者各自其所  
 保其家凡有求必禱焉率以類至號曰會社福山焉音相  
 屬于道不知幾千萬人不及之類至號曰會社福山焉音相  
 臨江海上歸焉蔚鬱岡巒環回殆亦勝地之父老云肇祀之  
 日有幅画乘潮水至乃嶽神像也居民得之欽事而加信之



焉山初號覆釜蓋因其形似後易名福山廟據其上遂爲遠邇祈福之地豈偶然哉政和七年八月乙亥鄉貢進士

崑山魏邦哲記

陽山靈濟廟在澄照寺傍白龍母廟也無碑碣可攷有僧祖照者以父老相傳述其事於壁云東晉隆安中山下居民繆氏家有女及笄出行風雨暴至天地陡暗避於今所謂龍塘之側俄有一白衣老人語女曰氏族爲誰居何所女答姓繆指山之西曰我家舍于陽山三峰之下家有父母老人曰天色如此吾無所歸欲假館待旦而前可乎女曰當告父母老人強之再三遂首肯語竟遽失老人所在女歸有妊父母惡之逐出丐食鄰里明年三月十八日至今所謂龍塚之上產一肉塊居民怪之驚棄水中俛焉塊破

化而爲龍天矯母前若有所告其母驚絕于地卽有風雨雷電飛沙折木咫尺不辨人物之異旣開霽但見白龍昇騰而去衆乃厚葬其母自後累降巫語始祠之於山巔而兩暘失候祈禱必應太平興國間建廟於山南曹巷熙寧九年遷于澄照寺之東隅建炎間主僧覺明復一新之相傳龍子分職瀟湘每歲是日必歸山間風雨凄冷人以爲龍子誕日云過是山中方有春意其去也或變怪之狀見於雲間紹興十九年六月某日犇雲鬣翹起于是山俄頃盲風驟雨大作龍自郡城過捲去女牆數百丈居人余氏家小亭吸入雲中及有負販者被吸復墮而無傷焉又云昔有白鬚老人至鎮江江步買船自云從長沙來與船人

錢十千先付五千餘錢約至蘇州陽山看親處還登舟卽  
令篙工悉睡日暮抵許市上岍去蓋已三百六十里矣舟  
人至山下尋覓值風雨大作避於廟中於像前得錢五千  
方悟神龍之歸乃以錢設僧供辭謝而去比歲祈龍母屢  
應大吏以聞紹興二十九年四月詔賜靈濟廟爲額乾道  
四年告下封顯應夫人

靈濟廟在府東南舊五龍堂也淳熙十年秋大旱郡守耿秉  
卽設廳作祈雨道場設行雨龍王位於東西序有蜥蜴見  
於香案果飭之上蜿蜒不去終日雲合秉以杯琖祈之若  
有靈異已而大雨三日具以事聞詔賜靈濟廟爲額

甫里廟甫里在長洲縣東南五十里鄉人祠陸龜蒙於此至  
今不廢

黃姑廟在崑山縣東二十六里地名黃姑父老相傳嘗有牽  
牛織女星精降焉女以金篋劃河河水湧溢今村西有百  
沸河鄉人異之爲立祠舊列牛女二像後人去牽牛獨祠  
織女禱祈有應歲七夕鄉人醵集廟下占事無毫釐差舊  
有廟記今亡之案荆楚歲時記牽牛謂之河鼓後人訛爲  
黃姑然古樂府有云黃姑織女時相見李太白詩黃姑與  
織女相去不盈尺則指牽牛爲黃姑李後主詩乃云迢迢  
牽牛星杳在河之陽粲粲黃姑女耿耿遙相望又以織女  
爲黃姑事久愈訛矣

吳郡志卷十三

